

明史攷證擴逸

九八

明史攷證攬逸卷二十九

長洲王頌蔚編集

列傳第一百五十九

賀世賢傳我大清以重兵薄瀋陽○按太祖高皇帝實錄大軍取瀋陽明偵卒知我師夜至聲礮舉烽火漏二鼓馳告瀋陽總兵賀世賢尤世功大驚我軍至營於城東七里令軍士樹雲梯楯車攻其東面

賀世賢附傳世功引兵援亦戰死○按太祖高皇帝實錄時我軍奮勇衝入明兵七萬人俱潰我軍繞城縱擊並斬殺參將夏國卿張綱段展陳柏等遂拔城盡殲其眾

童仲揆傳副將朱萬良姜弼不救

至

卽敗走○按太祖

高皇帝實錄天命六年二月我軍至黃山明副將朱萬良駐大營於其地見我軍勢盛大驚而遁未及姜弼同時敗走

羅一貫傳明年正月

明年改天啟二年

遂自剄○按太祖高皇帝實錄克西平堡卽斬羅一貫此謂一貫自剄與當日情事不合

羅一貫附傳渠戰死

至

乃死○按太祖高皇帝實錄我

軍乘勝追擊五十里斬殺無算至平陽橋堡明總兵劉渠祁秉忠及副將劉徵參將黑雲鶴遊擊李茂春張明先死焉此未及茂春明先

滿桂傳桂與崇煥死守○按太祖高皇帝實錄軍士奮
勇攻擊閒明總兵滿桂寧遠道袁崇煥參將祖大壽
嬰城固守此未及祖大壽

桂遣兵救被圍箴籬山○按太祖高皇帝實錄時兵駐
錦州馬步卒凡三萬人直趨大凌河明守城兵遁走
趙率教傳乘閒入犯平川三山堡川改州○按大清一統

志作平州此誤

率教督兵抵三岔河爲牽制○按太宗文皇帝實錄率
教督兵時大貝勒阿敏貝勒濟爾哈朗阿濟格杜度
岳託碩託並統軍往征

金日觀傳規取羅文谷

谷改峪

○按大清一統志綏寇紀

略均作羅文峪此誤

乾隆四十一年賜諡諸臣賀世賢羅一貫滿桂孫祖
壽趙率教黃龍張承蔭杜松馬林楊宗業劉之綸通
諡忠烈尤世功童仲揆陳策周遇吉張神武梁仲善
劉渠祁秉忠官維賢張奇化李維鸞金日觀王宣趙
夢麟袁見龍鄧起龍秦邦屏戚金胡文傑雷安民張
名世朱萬良姜彌楚繼功通諡烈愍朱國彥通諡節
愍何可綱通諡忠節

列傳第一百六十

金國鳳附傳振祿皆被殺○按李祿賜祀忠義祠

曹變蛟傳幼從文詔積軍功至遊擊○按三年冬王嘉

允連陷清水府谷遂據河曲是年四月變蛟與艾萬年曹文耀等從文詔攻復嘉允走六月禽之見綏寇紀略

明年連破賊紅軍友等於張麻村隴安水落城唐毛山○按紅軍友爲神一魁餘黨文詔縱反間給其黨殺之餘眾走唐毛山變蛟先登殄之見明史紀事本末文詔起討陝西賊至皆爲軍鋒○按是時文詔至商州追賊五十里至金嶺川賊據險逆戰變蛟力鬪諸將曹鼎蛟侯一位白廣恩等繼之遂大捷湫頭鎮之役變蛟爲前鋒直前衝賊斬級五百餘乘勝窮追三十里見綏寇紀略

十年二月巡撫孫傳庭部卒許忠叛

二月改正月

○按是年

正月十八日傳庭部卒許忠劉應杰輟甲大譟據藍田縣略庫放囚變蛟與左光先聞亂還於二月初六日移師初九日抵咸陽初十日進勦忠等與混十萬卽於是日遁見綏寇紀略及明史紀事本末此作二月誤

分三道連陷三十餘州縣○按是時自成與混天星過天星一由黃壩攻七盤一由梨樹麥坪入廣元一由陽平過青岡坪土門塔向白水見綏寇紀略所謂分三道指此

變蛟光先並鐫五官戴罪辦賊○按是時並鐫承疇尙

書宮保見明史紀事本末

變蛟轉戰千里至賊潰入塞○按是時承疇由階文返
轡逐賊變蛟乃率張天祿賈呈芳窮追大戰羌中捷
書踵至上曰吾固知承疇往洮河非避賊其益自效
見綏寇紀略

及仁義王混天王降于光先○按是時三賊合竄寧遠
亦入禮縣山中光先張疑兵馬鳴而疾馳桃坪掩擊
俘斬三百餘阬其歸路遂降於光先見明史紀事本
末

承疇令變蛟窮追而設三覆於潼關之南原○按是年
十月承疇謂傳庭曰自成勢蹙必奔潼關公誠能設

三覆以待吾蹙而致之可一戰禽也傳庭乃於潼關南原每五十里立一營變蛟躬執長刀驅賊遂殲之見綏寇紀略

曹變蛟附傳輔明

至

連蹙之○按祖寬遼東總兵也八

年十一月張獻忠走嵩汝寬敗之於嵩縣九皋山又敗之於汝州圪料鎮獻忠憤糾合高迎祥李自成與寬遇於龍門白沙復敗之十二月迎祥自成陷光州之南城寬復敗之於確山俘斬無算見明史紀事本末

崇禎六年賊躡畿南命樸與倪寵爲總兵官○按是時潞王有疏告急言衛輝城卑土惡選護衛助守捐歲

祿益餉又因故妃冢被發以鳳泗陵寢可虞並勸帝毋輕視賊遂有王樸倪寵之命見綏寇紀略又按樸之爲總兵官與倪寵並賜弓矢千五百戰馬三百以行職方郎李繼貞爭之曰樸原無實厯累次敘加多因父功無以慰人望且左良玉李卑等身經百戰位次反出其下恐聞而解體宜量加左李二將以都督僉事署總兵上從之見明史紀事

廣恩初從混天猴爲盜旣降屢立戰功○按五年八月曹文詔與總兵賀虎臣楊騏追賊於平涼陣斬可天飛李都司二賊廣恩遂殺其黨以降見綏寇紀略

劉肇基傳與祖寬大破賊汝州斬首千六百有奇○按

八年十一月獻忠走嵩汝寬敗之於嵩縣肇基與羅岱敗之於蘇羊再赴汝州擊之於圪料鎮寬擊其前肇基等扼其後大破之伏屍二十餘里見綏寇紀略贊

均無媿良將材

下增肇基等效命偏隅孤忠彌厲十一字

○按肇基等勇略

夙聞迨乎抗節南都相隨授命有足多者贊中概不一及殊爲未協

乾隆四十一年賜諡諸臣金國鳳曹變蛟劉肇基通諡忠烈楊振楊國柱朱文德李輔明乙邦才馬應魁莊子固樓挺江雲龍李豫陶國祚許謹馮國用陳光玉李隆徐純仁李大忠孫開忠姚懷龍解學曾通諡

烈愍王廷臣通謚忠節張斗姚恭王之楨江翥饒勳
通謚節愍

列傳第一百六十一

左良玉傳戰香山杏山下

香陵松

因檄良玉入山西禦之○按良玉以五年冬入晉十二月賊抵王屋山犯西陽眾二萬官兵二千餘人以礮擊之賊死者三百遂西遁聚於高平之間見綏寇紀略

河南巡撫樊尙璟

至

可四面爲援兵○按尙璟疏言良

玉在澤州北可援高平長子東可救臨縣潞安西可應陽城沁水旣保晉境兼顧濟源見明史紀事本末

所謂四面爲援指此

良王兵與賊戰武安大敗○按良王武安敗後賊以四萬從趙寨而東中軍曹鳴鶚馬擢遇之於邠原關鳴鶚與戰勝之翼日鳴鶚力戰賊益眾移營與擢合爲所乘二將及裨將姚應鵬皆死賊遂走輝縣見綏寇紀略

至柳善口大敗之

善改樹

已而鳳儀以孤軍戰沒於侯家莊○按是時鳳儀被圍於侯家莊保撫中軍孫宏謨楊芳不救一軍盡沒見明史紀事本末

良王九州扼其前

至

賊大困○按是時九州勝之於青

店石岡京兵勝之於石坡牛尾賊遂大困見綏寇紀略

良玉扼新安澠池○按是時河南賊從商東抵澠池者爲闖王過天星從商南趨河汝者爲老獬從雒南上津踰鄖陽抵鄧州者爲橫天王九條龍共七十二營見明史紀事本末所謂又分爲三者指此

尤世威守雒南○按是時命世威與徐來朝守雒南之蘭草川朱陽關旣而來朝不肯入山兵譁於盧氏七月兵變來朝遁見明史紀事本末

遂超盧氏

超改越

八月敗賊於鄢陵○按鄢陵之勝爲八月二十六日是

日馬良文與李雲程敗之於彭祖店見明史紀事本末

賊再攻密

至

乃去○按賊先於九月六日自嵩華趨邲

禹攻密縣知縣苗之庭敗之城下至二十六日再攻之三晝夜之庭乘堙殺賊三百餘人良玉至乃去見明史紀事本末

七月良玉兵抵開封

七改八

○按明史紀事本末是時豫

撫陳必謙以八月四日撤良玉及陳永福兵抵汴梁唐莊之捷在是月二十八日此作七月誤

總理熊文燦至安慶部檄以良玉軍隸焉○按是時文燦至安慶所隨黔兵千人無騎疏請戰馬三千匹嗣

昌因命良玉隸之見明史紀事本末

是月許州兵變○按許州之變先是馬士秀杜應金降良玉以其眾八千人命知許州董夢蘭處之郊良玉孥與賄皆寄焉至是士秀應金僞傳左軍號入城劫庫殺職官挈其資投李萬慶夢蘭逃以免見明史紀事本末

良玉家在許殲焉○按良玉許州之敗妻女俱爲自成所得厚奉養之以其女配賊將王四後遣至武昌冀以致良玉良玉不應以金帛遣歸之見綏寇紀略

十三年春督師楊嗣昌薦良玉雖敗有大將才

十三年春改十

月○按嗣昌之表良玉爲平賊將軍也嗣昌傳作十

一年十一月本紀作十二年十月並與此異明史紀事本末及綏寇紀略皆作十二年十一月此稱十三年春誤

閏正月良玉合諸軍擊賊於枸坪關

閏上增明年二字賊下刪於字

良玉兵斬埽地王曹威白馬鄧天王等渠魁十六人○按良玉瑪瑙山之役陣降賊將三百三十八人獲馬贏千餘頭甲仗軍貲以千計見綏寇紀略

而是時李自成方殘襄城

至

與喬年戰襄陽城外○按

是時良玉過臨潁殺賊所置僞官盡獲其牛馬財物自成怒盡銳與爭而喬年則於撫秦時檄發自成祖塋者也故復輟圍與戰見綏寇紀略

乃釋故尚書初薦良王者侯恂於獄起爲督師○按是時並拔河內令王漢爲御史監良玉軍見明史紀事本末

良玉畏自成遷延不至○按是時良玉遣其將金聲桓以五千人從恂而詭云身率三十萬會於河北久之不至汴遂亡見綏寇紀略

諸降賊附之○按所謂降賊者謂惠登相常國安馬進忠馬士秀杜應金吳學禮等見綏寇紀略

都御史李邦華被召至以危詞動之○按邦華檄定左軍後親入其營坐樓船大閱士馬慰勞諸將良玉令於軍斬淫殺者四人以徇釋被掠男婦四千餘人還

漕鹽船五百餘艘見明史紀事本末

分命副將吳學禮援袁州江西巡撫郭都賢惡其淫掠

檄歸之而自募士人爲戍守會賊陷長沙吉州

賊自改會

長沙陷袁州命副將吳學禮赴援江西巡撫郭都賢惡其淫掠檄歸之自募士兵戍守未幾賊突陷吉安

士秀率水師敗賊岳州城下

刪城下二字

二城遂並復

刪遂字

良玉知其爲己

刪其字

大器無兵不能救○按是時大器所仗惟李輔明馬科

二將已改調關寧輔明又不足用見綏寇紀略所謂

無兵者指此

良玉得以其閒稍復楚西境之荊州德安承天○按是

時以收復承天陵園爲良玉切責所司補給十六年
楚餉缺額四十萬見明史紀事本末

監軍御史黃澍挾良玉勢面觸馬阮○按澍面糾士英
十罪且言其常受獻賊僞官周文江賄因於王前舉
笏擊之復連上十疏力攻王不聽諭澍還見綏寇紀
略

左良玉附傳射殺王自用於善陽

陽下增
山字

頃之走賊礪川拒卻之彭城鎮

改頃之賊逼礪
川拒之彭城鎮

○按走

賊當是賊走之誤綏寇紀略六年五月賊十餘萬逼
礪川玘救之賊攻彭城鎮不得入則此處稱走亦未
協

玘被困上樵窩

土改

○按綏寇紀略及河南通志均作

土樵窩

清池

池改

○按良玉傳及明史紀事本末諸書皆作清

化

已擊賊洵陽也家溝連戰皆捷○按是時玘與楊世恩
屢勝賊於石泉壩康家坪蚋溪共獲首功六千餘見
綏寇紀略所謂連戰皆捷者指此

其冬張福臻代承疇遣人龍剿賊○按是時承疇已平
安塞賊譚雄而降賊黨雄王得貴高凌志等糾賊千
餘攻綏德州人龍隨總兵王承恩千總吳國偉追剿
斬級二百餘指揮鄧得威以福臻令誘雄等七人斬

之見綏寇紀略

固守兩月

至

圍始解

○按是時承疇從甘鎮還聞人龍急自平涼遣光先等率師出華亭救之以九月晦日抵隴州賊眾亦內離圍遂解見明史紀事本末

都司田應龍等死○按是時與應龍同死者爲都司張應春見綏寇紀略

從巡撫孫傳庭大破賊盤屋禽迎祥○按是時迎祥陷漢中之石泉由陳倉子午出將窺西安傳庭破之盤屋之黑水峪生得迎祥及其領哨黃龍僞總管劉哲三人見明史紀事本末

人龍得一千三百餘級○按是年三月九日人龍與李

國奇高傑等追賊及之於寒溪寺翼日再及之於鹽井其斬賊一千五百有奇見明史紀事本末

走漢州

州改川

人龍子大明戰沒○按賀大明賜祀忠義祠

高傑傳傑死贈太子太保○按是時並以傑部李本身爲左都督領其軍提督本鎮赴歸德本身傑甥也後亦降於大軍見明史紀事本末

高傑附傳京師陷澤清走南都福王以爲諸鎮之一封

東平伯駐廬州

改三月封東平伯京師陷走南都福王以爲四鎮之一駐淮北

○按

甲申三月癸巳封總兵左良玉吳三桂唐通黃得功俱爲伯時左諭德楊士聰衛允文入直語閣臣曰良

王三桂俱封而遣澤清且臨清地近可慮也閣揭上
卽封爲東平伯見明史紀事本末此稱福王立後始
封誤且史可法傳云福王立以東平伯澤清駐淮北
靖南伯得功駐廬州總兵高傑駐泗水劉良佐駐臨
淮則四鎮中惟傑與良佐封於福王而澤清固與得
功並封於三月明甚又是時澤清駐淮北經理山東
一路八月可法巡淮安閱澤清兵而廬州則得功分
駐地見可法傳此作澤清駐廬州亦誤

而澤清已潛謀輸款矣大清惡其反覆

改而澤清卽於
是月迎降大清

授爲三等子五年
九月謀叛事覺

○按順治二年四月澤清迎降九

月至京授澤清三等子五年五月與曹縣賊李化鯨

等通八月復遣人往東平貽書從子之幹之檜謀叛
九月磔誅之此所載殊未核

祖寬傳無何高迎祥李自成至至斷良王寬軍不相應

○按是時良王禦之靈寶東寬禦之靈寶西寬以十
一月朔入閿鄉城良王亦棄大營來靈欲與寬合相
隔七十里爲賊所斷越四日賊遂陷陝州見綏寇紀
略

明年正月寬等至賊奔全椒

改不拔明年正月陷含山和州

贊

當時以不用命罪諸將者屢矣而良王偃蹇債事未正

刑章姑息釀患

改良由制馭失當跋扈遂形迨其後雖欲正其不用命之罪而勢有不能

○按良王之偃蹇僨事實由嗣昌駕馭乖方馴至驕縱莫制爾時跋扈之跡未彰欲置之刑章勢固不能贊中但目爲姑息釀患殊未深切

乾隆四十一年賜諡諸臣陶希謙楊遇春王信通諡節愍越效忠田應龍張應春通諡烈愍

列傳第一百六十二

史可法傳賊從閒道突安慶石碑

碑改牌

總兵官牟文綬劉良佐擊敗之挂車河○按文綬是時本協守鳳陵緣舒城急淮撫邀之援舒桐城非淮撫分地而於舒爲脅齒按臣張煊請救於文綬乃以閏四月偕良佐率馬步九千人至桐城勝之仍以舒警

明史紀事本末
行而分二千人戍桐城見明史紀事本末

代朱大典總督漕運○按可法督漕時廷議將易兵部
尙書陳新甲於是尙書劉遵憲言官章正宸等十一
人並舉可法章下吏部尙書李日宣等言可法文武
才而漕事方亟宜俟報竣召用乃復留見春明夢餘
錄

明日可法陞辭刪可法二字

總兵官高傑改封高傑
興平伯

總兵官劉良佐改封劉良
佐廣昌伯

靖南伯黃得功改進靖南伯
黃得功爲侯○按澤清得功皆於崇禎

十七年三月封至是議立四鎮乃進得功爲侯而封

傑興平伯良佐廣昌伯是年秋復進澤清爲東平侯
見明史紀事本末及傑得功本傳此所載未晰

奉命祭告泗鳳二陵

泗鳳改鳳泗

○按後四行作鳳泗禮志

及春明夢餘錄同

朝命可法往解得功良佐澤清皆聽命○按是時監軍
太僕寺少卿萬元吉詣諸將營往來開諭乃解見元

吉本傳

盡并於選將練兵一事

刪一字

比大清兵已下邳宿

至明年是爲大清順治之二

改先

是我睿親王多爾袞遺可法書責以大義可法復書
辨論大清兵遂南征下邳宿可法飛章報土英曰渠
欲敘防河將土功耳慢弗省諸鎮亦數相
攻無進師意明年爲大清順治之二

加故中允衛允文兵部右侍郎○按中允馬士英傳作

侍講

頌蔚案高傑傳作左中允

允文

至

傑請爲已監軍○按允文監傑軍時已以原官

兼兵科給事中見傑本傳

得功已敗良玉軍○按是時以敗良玉功封得功靖國

公見綏寇紀略

城遂破○按城破時家居原任兵部尙書張伯鯨自經死衛允文亦赴水死見明史紀事本末

家人舉袍笏招魂葬於揚州郭外之梅花嶺○按乾隆四十年蒙恩修可法祠墓並題其遺像刻石祠中表忠曠典誠自古所未有也

可法才涓

至

並自盡

○按盧涓歸昭及高孝纘王士琇

王纘王績王績戴之藩陳天拔陸愉張有德馮應昌
舟子徐某均賜祀忠義祠

高弘圖傳擢御史○按弘圖爲御史時嘗與同官張愼
言交章請寬賈繼春罪忤旨將重譴尙書周嘉謨大
學士劉一璟力救乃奪俸二年見明實錄

遂削籍歸○按弘圖之削籍而歸也在六年三月見明
史紀事本末

馬士英疏薦阮大鍼弘圖不可○按士英薦起大鍼時
吏部侍郎呂大器懷遠侯常延齡太僕寺少卿萬元
吉御史陳良弼詹兆恆郭維經王孫蕃左光先兵部

郎中尹民興等各疏諫不聽見明史紀事本末

其年十月弘圖四疏乞休○按是時弘圖並請召還史可法不許見明史紀事本末

姜曰廣傳則力阻南遷盡撤守禦狂穉之李國禎禎改禎

○按功臣世表作李國禎

曰廣嘗與士英交詆王前○按是時議設廠衛緝事官蘇松巡撫祁彪佳力諫曰廣爲擬俞旨不從疏爭之甚力乃命五城御史察訪見明史紀事本末

統鑣復劾曰廣五大罪○按統鑣所劾曰廣五大罪一引用東林鄭三俊吳甡房可壯孫晉把持朝政以劉士楨爲通政遏章奏以王重爲文選植私人二篡逆

令楊廷麟出劇盜南康獄交聯姦俠日窺南郡聲息
將有劫遷別戴之謀三庇從賊諸臣四納賄五姦媳
給事中熊汝霖總督袁繼咸皆不平抗疏論列不報
見明史紀事本末

姜曰廣附傳而士英劾鑣從弟鍾從逆并及鑣○按鍾
崇禎十五年授庶吉士降於自成用爲檢討賊敗南
歸或傳其勸進表有比堯舜而多武功邁湯武而無
慚德語又進急下江南策士英遂劾其罪並言鑣及
鍾胞弟前蕭山令銓均當從坐遂被逮見明史紀事
本末

大鉞謂鑣實召良玉兵○按鑣友人桐城左國棟蕪湖

沈士柱皆列名防亂公揭避大鉞客良玉所故大鉞
謂鑣召良玉兵見綏寇紀略

福王時統鑣劾曰廣因及之遂逮治○按甲申五月議
立福王時曰廣謂續祚其門人言福王不可立當設
法阻之至是統鑣劾及之大鉞復據以入告言續祚
當時欲設何法可爲寒心請立正典刑明年二月給
事中林有本劾續祚不孝不忠四月遂賜死見明史
紀事本末

乾隆四十一年賜諡諸臣史可法專諡忠正高弘圖
專諡忠貞姜曰廣專諡忠確任民育何剛通諡忠節
曲從直周志畏通諡烈愍侯方巖王纘爵羅伏龍楊

振熙吳道正王志端汪思誠通諡節愍

列傳第一百六十三

張愼言傳愼言假歸○按明史紀事本末五年二月曹欽程誣劾愼言等受熊廷弼賄削籍歸與此異

徐石麒傳執新城侯王昇子下獄執改○按王昇子王

國興也昇兼領營葬金石麒疏發之并其子下詔獄

奄黨遂屬昇子誣訐石麒見明史紀事本末是昇子

下獄爲石麒所發非因忠賢之怒石麒也傳中執字

似因忠賢之怒石麒而執昇子下獄者殊非當日情

事

石麒宮南京十餘年

宮改官

解學龍傳王紀忤魏忠賢削籍○按紀以劾大學士沈
淮詞連客魏客魏泣愬帝前帝謂紀煩言加譙責焉
旣而劾其護熊廷弼緩佟卜年等獄二大罪斥爲民
見明史紀事本末及紀傳

高倬傳封疆事重宜撤希詔安文衡心○按文衡終以
希詔故去職見明史紀事本末

左懋第傳彗星見○按十二年十月朔彗星見楊嗣昌
以八月晦受命督師十月朔至襄陽大誓三軍而彗
星卽於其時見見綏寇紀略

祁彪佳傳四朝遺老或蒙重譴○按四朝遺老謂陳于
廷也見孫承澤山書所載彪佳原疏

乾隆四十一年賜諡諸臣徐石麒專諡忠懿祁彪佳
專諡忠惠左懋第專諡忠貞高倬陳用極通諡忠節
黃端伯通諡烈愍劉成治吳嘉允龔廷祥陳于階王
一斌張良佐劉統王廷佐通諡節愍

明史攷證擴逸卷二十九

明史攷證攬逸卷三十

長洲王頌蔚編集

列傳第一百六十四

朱大典傳賊圍滁州連營百餘里總兵祖寬大破之大典會總理盧象昇追襲復破之○按李自成連陷含山和州進圍滁州盡銳攻城盧象昇在西沙河遣祖寬等乘夜疾馳抵滁賊分軍來戰大破之橫屍枕籍象昇復自引軍至躬援枹鼓大呼直前搏賊大典軍亦至賊披靡北走鳳陽礮卻之大典復率劉良佐等戰於蒙城殺傷相當賊遂走考城儀封而西見綏寇紀略

朱大典附傳人情恂恂

改人情恂恂

○按恂恂應作洵洵易

林中心不同爭訟洵洵洵洵水勢也又鼓動聲蓋以人情之不定猶水勢之洵涌也

咸建戢姦究

究改究

張國維傳巡撫應天安慶等十府○按國維在江南屢觸忤溫體仁賴帝知之故弗斥見綏寇紀略

副將程龍及若來于王等拒守○按是時潘可大將皖兵九百人程龍及陳于王蔣若來將兵三千六百人禦賊兵敗龍及可大于王皆死之若來服圍人衣以免國維選吳中材武良家子六千人而成此軍至是一戰而盡聞之慟哭見綏寇紀略及陳于王傳

建蘇州九里石塘

至

並有成績○按三吳水利明初設

有專官萬厯間日就廢弛農人竭蹶培壅收穫仍儉
國維徧探河渠悉爲圖說并摺輯臣僚章奏官司案
牘爲三吳水利全書三十卷上於朝見明史紀事本
末

張肖堂附傳定西侯參謀順天顧民楫

民改明

○按傳末

作明楫此作民誤

何楷傳楷劾巡撫楊一鵬巡按吳振纓罪○按是時王
裕民朱大典繕葺陵寢事麤定遣金吾騎逮一鵬振
纓下獄兩相以其私調旨輒左右之給事中何楷以
爲言上決意誅之科臣林正亨銜上指察視自常奏

外密爲圖以獻一鵬棄市振纓發口外爲民見綏寇
紀略

屢遷工科都給事中○按楷以獄訟繁興列上定新例
行久任酌分理重會審嚴斃獄革羈鋪飭聲冤究造
謗八議見明史紀事本末

乾隆四十一年賜諡諸臣張國維專諡忠敏張肯堂
專諡忠穆吳鍾巒通諡忠烈顧咸建唐自綵李向中
董志寧曾櫻朱繼祚余煌陳函輝王瑞枏熊汝霖錢
肅樂沈宸荃通諡忠節朱大典金應元朱士允朱永
佑劉世勛張名揚王朝相湯芬王祁劉中藻通諡烈
愍王道焜高岱葉汝植王景亮伍經正鄧巖忠方召

張鵬翼朱養時林瑛江用楫董元朱萬年顧珍李開
國顧中堯蘇兆人戴仲明鄭遵儉林眉都廷諫洪有
文鄆正畿林逢經王恩及鄭遵謙沈履祥通諡節愍
列傳第一百六十五

袁繼咸傳彝憲大恚與繼咸互訐奏○按彝憲奏辯謂
覲官參謁乃尊朝廷繼咸復言尊朝廷莫大於典例
知府見藩臬行屬禮典例也見內臣行屬禮亦典例
乎諸司至京投冊吏部典例也先謁內臣亦典例乎
事本典例雖坐受猶以爲安事勅彝憲卽長揖祇增
其辱高皇帝立法內臣不得與外事若必以內臣繩
外臣會典所不載上仍切責之見明史紀事本末

邱祖德附傳行取入都

至

謫福建按察司檢校○按十

二年陳啟新疏論考選又進吏部訪冊禮部尙書姜逢元兵部尙書王業浩獨圈多上嫌其濫俱罷官啟新遂參知縣尹民興等俱降調見明史紀事本末

陳潛夫附傳陸培○按培仁和人崇禎十三年進士見

題名錄

林汝翥傳立傳旨廷杖汝翥○按汝翥與大學士葉向高同鄉魏忠賢欲借之以傾向高會汝翥以廷杖逸去羣奄疑向高匿之索其寓辱及婦女向高奏之置不問見明史紀事本末

乾隆四十一年賜諡諸臣袁繼咸專諡忠毅陳子龍

專諡忠裕邱祖德溫璜沈猶龍侯承祖閻應元鄭爲
虹通諡忠烈張亮金聲吳應箕李待問夏允彝侯峒
曾陳潛夫陸培沈廷揚林汝翥通諡忠節申甫陳明
遇孫志尹戚勳王佐才林奎黃大鵬熊緯通諡烈愍
江天一龐昌允鄧某魯之璵章簡馮厚敦周室瑜孫
臨吳易王士和胡上琛通諡節愍

列傳第一百六十六

楊廷麟傳而廷麟痛詆之○按廷麟疏言嗣昌聞人言
戰未敵色變經理數年未聞尺寸之利一戰之功也
營田可爲而不爲猛士可致而不致善事貴人逃責
旦夕敵至則引巾幘自覆耳見山書

萬元吉傳督師楊嗣昌薦其才○按十三年十二月嗣昌在重慶戒期進兵討賊而賀人龍左良玉皆於嗣昌有怨望元吉知之進曰軍心不一未可以戰盍令前軍躡賊後軍爲繼中軍從閒道出梓潼扼歸路以濟師此萬全策也嗣昌不聽旣而追賊及於開縣人龍兵先大譟歸良玉兵亦攜阻不前賊還戰諸軍大潰嗣昌曰吾悔不用萬元吉之言見綏寇紀略

擁眾萬餘雩都

餘下增於字

王養正附傳夢開等與民互相殘

等改黨

○按夢開旣爲

守關兵所殺安有與民相殘之事明史稿等作黨最是

陳子壯傳累遷禮部右侍郎○按子壯在禮部時嘗謁
溫體仁體仁言主上神聖臣下不宜異同子壯曰世
宗皇帝最英明然祔廟之議勦戚之獄當日臣工猶
執持不已皇上威嚴有類世宗公之恩遇孰與張桂
但以將順而廢匡救恐非善則歸君之義也溫意沮
遂成嫌隙見明史紀事本末

下之獄○按子壯以八年正月上言宗秩改授開僥倖
之門墮藩規溷銓政上以其沮詔閒親下之獄明年
四月始得釋見明史紀事本末

張家玉傳乃籍前尙書李覺斯等貲以犒士○按崇禎
九年正月覺斯行太僕寺卿在滁州李自成等七賊

連營數十萬攻滁州覺斯與知州劉太鞏率士民固守賊盡銳攻城覺斯等多方應變會象昇救至賊大敗見明史紀事本末

蘇觀生傳聿鍵死於汀州

改聿鍵就執於汀州

○按聿鍵傳八月

出走汀州大兵奄至就執死於福州

監紀主事陳邦彥勸觀生疾趨惠潮

觀生改令

乾隆四十一年賜諡諸臣陳子壯專諡忠簡鄭維經詹兆恆楊重熙陳邦彥通諡忠烈楊廷麟萬元吉楊文薦陳泰來通諡忠節周瑚王明汲萬發祥林琦王其宄黎遂球柳昂霄魯嗣宗錢謙亨袁從鶚劉孟錡劉應試吳國球郭寧登胡纘林逢春陳烈王養正夏

萬亨王域劉允浩史夏隆曾亨應麥而炫朱實蓮霍
子衡韓如璜陳象明白常燦通諡烈愍徐必達彭期
生龔荃盧觀象梁于浹姚奇允胡夢泰周定仍萬文
英胡奇偉胡甲桂李翔徐伯昌李時興高飛聲廖翰
標梁萬爵梁朝鍾通諡節愍

列傳第一百六十七

呂大器傳左良玉駐九江至疑大器圖己○按良玉傳
敘良玉以侯恂故疑大器圖己在後敘大器遣良玉
破賊在前與此互異

樊一蘅傳射殺獻忠賊降及敗死者二三十萬○按世
祖章皇帝實錄斬獻忠時斬首數萬級並破賊營一

百三十餘處獲馬羸一萬二千二百餘匹

乾隆四十一年賜諡諸臣范文光詹天顏吳炳嚴起
恆張孝起楊畏知吳貞毓通諡忠節侯偉時王錫衮
高勛金簡李如月任國璽那嵩徐極林青陽蔡績張
鐫朱東旦鄭允元胡士瑞李元開林鍾周允吉朱議
景任斗墟易士佳通諡烈愍

列傳第一百六十八

瞿式耜傳常熟姦民張漢儒希體仁指訐謙益式耜貪
肆不法○按崇禎十年正月張從儒訐奏錢謙益瞿
式耜疏上溫體仁修郅逮下獄幾殆謙益嘗作故太
監王安祠記曹化淳出王安門憤其冤發從儒陰謀

立柳死事得釋見明史紀事本末

以十月十日監國肇慶○按十月十日永明王傳作十四日與此異

贊

明代二百七十餘年養士之報其在斯乎其在斯乎

刪此

二十字

乾隆四十一年賜諡諸臣何騰蛟專諡忠誠瞿式耜專諡忠宣傳作霖周震通諡忠節蕭曠朱旻如通諡烈愍汪皞通諡節愍

列傳第一百六十九 循吏

方克勤傳台州盜起至克勤獻策弗納○按是時行省

募民爲水兵克勤詣金剛努謂曰民皆有盜心奈何授之兵弗聽旣而果叛去金剛努踰垣走未幾左達勒實哩至郡招諭都事劉基爲之副克勤陳勦殄方謂不可姑息基韙之亦不能用見識大錄所謂獻策者指此

盛夏守將督民夫築城至得罷○按克勤爲郡會歲暮轉戎衣於燕時有令役民舟者誅他郡以牛車從事天寒牛僵民苦之請以舟僚佐懼弗敢克勤曰吾知便民耳抵法奚悔焉卒載以舟而白之行省省臣義弗問見獻徵錄

尋爲屬吏程貢所誣○按貢嘗知曹縣以不職被笞銜

克勤甚因上書詆之詔御史楊甲廉按甲貢故人也
索克勤過無所得乃誣其私用倉中炭葦就逮子孝
儒上書政府願以身贖不報遂謫役江浦見識大錄

子孝聞孝儒

儒改孺下同

吳履附傳是時河內丞廖欽並以廉能稱○按欽任吳
江秩滿旣去會河內舊虧課錢典守者以誣欽欽弗
辨謫役鳳陽旋釋歸未幾爲里人誣構謫戍富峪以
老病還復起爲袁州學官永樂初詔求文學士解縉
胡廣以欽薦召授檢討尋致仕歸見識大錄

靈璧丞田誠○按仁宗甫卽位田誠九載滿縣人乞留
因擢州判官丞靈璧如故見明實錄

貴池典史黃金蘭○按是時卽擢金蘭爲本縣令見明實錄

史誠祖傳誠祖旣得旌益勤於治○按誠祖被旌後成祖遣錦衣偵之見其飭無斗粟衣冠麤敝乃加四品服俸見識大錄

貝秉彝傳上平糶備荒議○按秉彝在東阿歲屢豐常建議於朝請平糶爲預備計從之仍下其法行之近州縣見識大錄

會成祖北巡至工遂速竣○按成祖北巡時敕河南山東西民丁隨軍供饋餉各遣官率之他郡邑率規避秉彝曰天子親行臣下敢憚勞耶卽就道民忻躍以

從訖事而民無失所者見獻徵錄

葉宗人傳授錢塘知縣○按宗人爲令時邑故多虎患宗人爲文驅之遂斂跡仁宗在東宮聞其治行令所司優遇之見獻徵錄

李信圭傳授清河知縣○按宣德中歲旱飛蝗爲災信圭禱於神蝗不入境有留守衛卒姬泰者自閩還挾資爲同舟所害過清河以病死告冀得自掩信圭發其姦誅之見獻徵錄

使節繹絡

繹絡改
絡繹

李信圭附傳以親喪去洪熙元年

下增九
月二字

洪熙中

改宣宗
卽位

徐士宗知貴溪

至

詔增二秩還任○按是時與士宗並

增秩者爲扶風令宋端許州牧魏儀見明實錄

李驥附傳王昇

至

增秩還任○按昇永樂二年進士改

庶吉士旋授江西安福令改知羅田三載歷大理評事左寺正以少傅楊士奇之薦出知撫州見獻徵錄

趙豫傳大計羣吏

至

皆豫焉○按是年正月命吏部都

察院會同禮部察來朝司府官令各察所屬治行具最以聞見明實錄

趙豫附傳湖州知府祥符趙登○按登由永樂二年進士授禮科給事中三年以言事謫忠州判官十餘年稍遷安寧州知州宣德改元超擢湖州知府見李濂

所撰傳

周濟傳都御史劉觀薦爲御史固辭○按宣德時帝嘗怒中官陳某下都察院鞠治御史嚴繼先輩莫測上意咸避之濟立訊成獄觀由此異之見獻徵錄

十一年出爲安慶知府○按明實錄濟於正統十年秋出巡鳳陽事竣會安慶以民饑聞遂於十一年夏出守安慶

范希正傳因請升曹縣爲州○按曹縣之升爲州在正統十一年見地理志

范希正附傳無若希正與寧州知州劉綱

寧上增陝西二字

按地理志寧州有三一屬陝西慶陽一屬江西南昌

一屬雲南臨安此所載未晰下稱寧民祀之狄仁傑
祠中考唐書仁傑傳及陝西名宦志仁傑嘗爲寧州
刺史又一統志慶陽府寧州有仁傑祠則綱所益實
陝西之寧州矣

丁積傳授新會知縣○按積令新會時嘗爲民辨冤忤
當道指繫獄民爭爲致賄戒之曰吾求無媿此心耳
慎勿妄求貽我羞末幾事亦解見識大錄

唐侃傳永豐俗刁訟至侃禁止之○按侃令永豐時署
牌於庭左曰從刑右曰從化久之民無趨左者告訐
之風一變見獻徵錄

稍遷刑部主事○按識大錄侃所遷爲南京刑部

徐九思傳徐九思○按識大錄獻徵錄及陳錫仁所撰傳俱作徐九經

吏部尚書熊浹知其賢特留之○按九思嘗權稅荊州裁舊額三之一諸聽權者紛集倍溢於故悉置其餘於庫見識大錄

張漳傳謂其敏斷如包拯也

改一時翕然頌其敏斷

列傳第一百七十

儒林一

陳謨傳泰和人○按謨所著有海桑集門人楊士奇所編次稱謨爲廬陵人

薛瑄傳後二日文謙死獲減一等

改獲減等論斬旋轉左侍郎

○按

瑄之入閣以左都御史楊善之薦在是年正月甲申

文謙等之死在是月丁亥見明實錄此云後二日雖不誤但上文並未書日究屬無根且瑄於是年五月轉本部左侍郎仍兼學士傳亦未敘

疏乞骸骨○按瑄之以老疾乞致仕也在天順元年六月見明實錄

贈禮部尚書諡文清○按正德元年五月錄瑄孫葵於中書舍人習字出身見明實錄

辭瑄附傳禹錫歸至益務力行○按禹錫從瑄歸後考功員外郎紀振薦爲開州訓導見識大錄

超拜監察御史○按是時吏部尚書王鏊欲大用禹錫不果及姚夔代鏊集廷議求學行殊等者任督學僉

舉禹錫遂超拜御史見識大錄

胡居仁附傳以事忤劉瑾落職○按祐爲南刑部時與李承勛魏校胡世寧友時稱南都四君子正德初勦臣有爭襲者祐嘗署其案忤瑾意遂落職見識大錄嘉靖初厯雲南布政使○按嘉靖改元復祐原官陞河南按察使平反冤獄與撫按爭可否至不能堪乃因考察劾之有心慕乎古氣失於偏之語祐笑曰偏則有之慕古吾何敢坐調廣西按察使旋有雲南之擢見識大錄

蔡清傳王恕長吏部重清調爲稽勳主事○按清居吏部時庶吉士鄒智以言事下獄罪不測刑部尙書何

喬新方在告清強之出喬新卽疏救智乃得以謫去
見獻徵錄

萬厯中追謚文莊贈禮部右侍郎○按是時僉都御史
詹仰庇以易名請遂予謚大學士李廷機復爲請乃
獲贈典見明實錄

蔡清附傳授刑部主事改南京戶部○按陳琛爲南戶
部時權淮安舟稅常額旣足大開關門恣商人來往
上官責其弛慢琛引古以抗之見獻徵錄

羅欽順傳再遷南京吏部右侍郎○按欽順由南京入
爲吏部右侍郎世宗卽位乃轉左見獻徵錄與此小
異

爲著困知記自號整菴○按欽順年八十時巡撫都御史張岳言欽順攘斥異端功在聖門宜舉引年之典乃詔撫按官及門存問見識大錄

曹端傳後改葬澠池○按正統中僉事張敬奏請建祠於澠池祀端見識大錄

吳與弼傳復遣行人送還○按與弼之放還也召入文華殿勉以著書垂後仍敕行人王惟善曰天氣近寒與弼邁矣其善護之見明實錄

陳崇聖志廣聖學等十事○按與弼所上十事曰崇聖志廣聖學隆聖德子庶民謹命令敦教化清百僚齊庶政廣言路君相同心一德見明實錄

陳眞晟傳初治舉

改初治舉業

由是篤志聖賢之學

由是改遂

呂枬傳應詔陳六事○按枬所陳六事一逐日臨朝聽政二還處宮寢以圖儲貳三郊社禘嘗躬親承事四日朝兩宮五遣義子番僧邊軍六取回鎮守太監見明實錄

選國子監祭酒

選改遷

上輟朝一日賜祭葬○按枬卒後贈禮部尙書諡文簡見陝西通志

邵寶傳遷江西提學副使○按寶之官提學也由周經劉大夏之薦見識大錄

瑾怒漕帥平江伯陳熊欲使寶劾之○按是時瑾索熊金錢不應故怒之熊被劾後下詔獄謫戍海南衛見明史紀事本末

楊廉傳京師地震劾用事大臣○按廉劾諸大臣時並薦張元禎吳寬李東陽王鏊劉戡宜備日講見明實錄

復改南京兵科○按廉改兵科時再疏論黜陟謂藩臬周孟中王鴻儒知府張吉知州王雲鳳俱有政聲乞照天順例賜楮幣宴禮部破格陞擢以收才望見獻徵錄

歷順天府尹○按廉尹順天時以昌平歲辦不給奏陞

爲州轄密雲順義懷柔三縣見明實錄

劉觀附傳又有李中吉水人○按中由正德九年進士授工部主事以言事謫廣東驛丞王守仁撫贛州檄參其軍預平宸濠嘉靖初由故官累遷右僉都御史巡撫山東歲歉令民捕蝗者倍予穀蝗絕而飢者濟禽劇盜關繼光鄰境攘其功中不與辨進副都御史總督南京糧儲未幾卒光宗時追諡莊介見明實錄魏校傳補江西兵備副使○按校補兵備副使力辭旋改命督學河南見明實錄

魏校附傳自見耿定向至辭不行○按定向督學南畿高敬臣行誼逾格貢焉強之赴京以親老力辭見識

大錄

崔銑傳父陞官參政○按銑父陞由郎官出爲四川參政歷官廉慎在蜀時與僉事曲銑齊名見獻徵錄

何瑋傳選庶吉士○按武宗卽位瑋時初授編修因新政抗疏乞復史職不報見識大錄

後瑾誅復官○按瑋復官時疏請籍沒贓吏以杜禍原爲所司議格見獻徵錄

歷工戶禮三部侍郎晉南京右都御史○按嘉靖六年瑋由太常卿遷南工部侍郎奏革神帛堂各宮監機戶夫匠冗費歲以數萬計未幾調北工部改戶部復改禮部再謝病御史毛鳳韶等疏留韶在京調治都

明史攷證
卷三十
御史之擢則嘉靖九年也見明實錄

後謚文定○按明實錄瑋之賜謚在隆慶初元是時並
贈禮部尙書

乾隆四十一年賜謚諸臣黃漳耀黃淵耀通謚忠節

明史攷證攬逸卷三十

明史攷證攬逸卷三十一

長洲王頌蔚編集

列傳第一百七十一 儒林二

陳獻章傳廣東布政使彭韶總督朱英交薦○按是時韶等乞以禮聘獻章吏部尙書尹旻謂獻章向聽選京師非隱士比安用聘遂檄召至京見獻徵錄

獻章事之至孝

刪獻章二字

萬厯初

改萬厯十二年

賀欽傳卒年七十四

下增天啟初謚恭定六字

陳茂烈傳入爲監察御史○按茂烈爲御史時疏論道士崔志端不宜爲尙書戶部尙書侶鍾諛佞取寵宜

罷見識大錄

母卒茂烈亦卒○按茂烈卒後都御史王應鵬言茂烈廉約如石守道而所養獨純孝行如徐仲車而所處尤困請加優卹詔表宅里曰孝廉卹其家見明實錄湛若水傳授翰林院編修○按正德中若水常奉使安南冊封國王黎賙却其餽不受見識大錄

年九十五卒○按若水之卒也贈太子太保諡文簡見識大錄

湛若水附傳累官四川水利僉事○按信成進士後授戶部主事遷兵部員外郎出爲四川僉事在蜀三年革岷江一帶水驛丈復各衛養馬草場又以商番交

易茶馬全黎二夷爭路讐殺乃立科條一曰復秤盤
二曰禁湖茶三曰限引目茶額既定私販悉絕蜀人
便之見獻徵錄

鄒守益傳九廟災守益陳上下交修之道○按是時以
廟災詔諸大臣自陳諸大臣皆皇恐引罪守益獨抗
言交修之道故得罪見識大錄

錢德洪傳十一年始成進士累官刑部郎中○按德洪
廷試後乞教授蘇州學以便養旋遷國子監丞歷刑
部主事至郎中見獻徵錄

王畿傳畿嘗云學當致知見性而已至以不謹斥○按
是時薛應旂爲南考功郎中以不謹斥畿應旂亦坐

補外南給事中游震得等爲應旂訟應旂旋復京秩
見獻徵錄

王畿附傳王氏弟子徧天下至聲名反出諸弟子上○

按是時總漕都御史劉節御史吳悌皆特疏薦良不
報御史洪垣構室居其徒有子璧幼隨父之守仁所
師事王畿錢德洪最知名見識大錄

坐事爲言官論罷○按汝芳以參政入賀旣成禮請告
出城集同志講學廣慧寺居正惡之遂風言官疏劾
致仕見識大錄所謂坐事者指此

累官吏部左侍郎拾遺○按萬厯十九年起元以洗馬
充講官有崇聖志勤聖學疏二十五年秋因災異復

上恭勸勤學疏並見獻徵錄

歐陽德傳以薦起故官累遷吏部左侍郎○按德以故官起復未至遷南太常卿尋以原秩召掌國子監事至則遷禮部左侍郎旋轉吏部見識大錄

裁制諸宗藩尤有執○按德居禮部時秦府爲其中尉女請封崇陽王以罪賜死其宗人援他郡王例請襲德皆持弗許弋陽建安樂安諸王爭攝寧府事德曰寧藩已絕豈尙有府事須攝耶又請下諸藩禁陳乞而裁諸罪宗廩給見獻徵錄所謂裁制宗藩者指此贈太子少保謚文莊○按隆慶中允撫臣劉光濟之請勅有司建祠其鄉祀之見明實錄

羅洪先傳嚴嵩以同鄉故擬假邊才起用皆力辭○按御史凌儒嘗薦洪先帝怒奪儒職見明實錄

謚文莊

莊改恭

吳悌傳及嵩擅政悌惡之引疾家居○按悌爲御史時有請禁私交議蠲振議振風紀諸疏見獻徵錄

何廷仁附傳文敏字直充

直改宜

許孚遠傳會大計京朝官至博鄉山西無一焉○按是時給事中胡應嘉劾博底私博連疏乞休帝爲斥應嘉而慰留博見明史紀事本末

坐爲李材訟冤貶二秩○按材素從鄒守益學嘗任雲南按察使征緬有功巡按御史蘇鄭劾其與副使陳

嚴之等虛張功伐帝怒特旨坐以斬論救者五十餘
疏皆不聽繫詔獄五年見明史紀事本末所謂爲材
訟冤者指此

尤時熙傳聞郎中劉魁得守仁之傳至時時從獄中質
問○按是時帝用方士陶仲文言建雷壇於太液池
西魁極陳其耗國不經帝震怒杖於廷而錮之見明
史紀事本末所謂直言者指此

尤時熙附傳年七十六以萬厯六年卒○按後覺之卒
也維新言於郡守李士登立祠祀之士登又建四賢
祠祀王道穆孔暉及後覺孟秋見山東通志

鄧以讚附傳元忭嘗抗疏救御史胡濬○按神宗卽位

之冬妖星見慈慶宮後火津言星陰象火積陰所成
請放宮女疏語忤帝斥爲民元忤乃疏救之見明實
錄

列傳第一百七十二 儒林三

孔希學傳以子希學襲封克堅累遷國子祭酒○按克
堅以子希學襲封拜中臺治書侍御史改山東廉訪
使起爲集賢直學士改禮部尙書遷陝西行臺侍御
史旋遷國子祭酒見闕里文獻考

洪武元年三月至遣希學來見○按希學元末襲封時
並兼祕書卿見闕里文獻考

十一月命希學襲封衍聖公○按洪武二年四月命博

士孔克仁等授諸子經功臣子弟亦令入學見明實錄

階貲善大夫

貲改資

當臨馭之初

馭改御

十五年修闕里文廟成○按永樂十二年正月詔修闕里廟十四年十二月詔修曲阜復聖廟並命凡從祀諸賢之廟有壞皆修之見明實錄

召弘緒至京襲封賜玉帶金印○按弘緒襲封時帝親賜玉帶以軀尙小去二鎊授之又賜金圖書一其文曰謹禮崇德見闕里文獻考

成化初以言事謫漢陽知府○按成化元年給孔顏孟

三氏學印令三年貢有學行者一人入國子監見明
實錄

弘緒少貴至奪爵爲庶人○按弘緒初爲南京科道所
劾下巡撫原傑按之悉得其非法用刑勒殺無辜狀
以聞命官會問坐以斬帝特從寬奪爵見明實錄所
謂多過舉者指此

正德三年以尼山洙泗二書院及鄒縣子思子廟各有

祀事

改正德二年以鄒縣
子思子廟主祀乏人

主子思子祀事

刪事
字

兩書院各設學錄一人

上增又請尼
山洙泗六字

薦族之賢者充焉

下增從
之二字

萬厯九年至帝爲革供奉女樂二十六戶○按明實錄

萬厯九年八月尙賢庶母郭氏因受尙賢陵轍乃許奏尙賢濫用女樂賄受船戶及歲賀入京騷擾驛遞諸事下撫按勘覆帝切責而貸之

崇禎元年加太子太傅○按崇禎元年追贈尙賢太子太保見闕里文獻考

孔彥繩傳洙讓爵曲阜之弟治○按洙讓爵後命爲國子祭酒兼提舉浙東學校事見闕里文獻考

曾質粹傳宗聖五十九代孫也○按職官志以質粹爲宗聖六十代孫與此互異

正德間山東僉事錢鉉訪得曾子之後一人於嘉祥山

明弘治三十一
中○按正德二年七月命山東修理曾子廟從巡按御史金洪請也見明實錄

孔聞禮傳正德元年

元改二

聞禮卒嘉靖二十五年貞寧字用致襲○按王世貞衍聖公爵系表稱聞禮卒弟聞詩襲聞詩卒聞韶之子貞寧襲而武宗實錄元年四月己卯授聞詩翰林院五經博士先是衍聖公弘泰卒爵歸聞韶其子聞詩充三氏學生聞韶援文臣蔭錄之例以請乃有是命皆與此異

孟希文傳子承光萬厯二十九年襲卒○按承光於天啟二年與長子弘略拒妖賊徐鴻儒與母孔氏俱被

害事聞贈承光太僕少卿孔氏貞淑恭人弘略太常
丞遣官諭祭專祠祀之見闕里志

列傳第一百七十三 文苑一

楊維禎傳坐船屋上吹鐵笛作梅花弄○按開國臣傳
載維禎嘗過洞庭有治人緱氏子名長弓掘地得古
莫邪無所用乃鎔爲笛贈之維禎爲賦治師行

人目爲三高士墓

刪此
七字

蘇伯衡傳歲丙午○按明祖本紀丙午爲吳元年元至
正二十六年也

坐表箋誤下吏死○按開國臣傳伯衡卒於家與此異
王冕傳授諮議參軍一夕病卒○按是時胡大海攻紹

興屯兵九里山延冕問策冕曰越人秉義若爲義誰敢不服若爲非義誰則非敵明日遂不起初未嘗爲諮議參軍也朱彝尊以冕爲元季逸民辯其未嘗一日參軍事見元詩選小傳與此互異

戴良傳辛丑○按元史本紀辛丑爲順帝至正二十一年

變姓名隱四明山○按蘇伯衡撰良畫像贊稱其跋涉道途類子房之報韓其傍徨山澤猶正則之自放時以爲實錄

戴良附傳飲泣賦詩情詞悽惻○按鶴年嘗有詩云行蹤不逐臬東徙心事惟隨雁北飛人多悲其故君之

思見海巢集

張以寧傳由黃巖判官進六合尹○按以寧任黃巖判官時曾捕禽海寇見開國臣傳

奉使安南○按是時與以寧偕奉使者爲典簿牛諒見明實錄

趙壘附傳布政使吳印者僧也○按吳印本鍾山寺僧明祖奇其才命與宗泐同蓄髮欲官之宗泐辭印獨受官其兄昭亦官布政使見開國臣傳

趙撝謙附傳酒間爲瞿佑誦所作詩○按張昱曾參楊完者軍事楊敗遂不仕嘗於酒間以界尺擊案誦所作歌風臺詩淵淵有金石聲見楊士奇所撰廬陵集

陶宗儀附傳張憲○按憲所著有玉笥集見元詩選

高啟傳嘗賦詩有所諷刺帝嫌之○按靜志居詩話啟嘗作題宮女圖詩有云小犬隔花空吠影夜深宮禁有誰來爲明祖所猜其賈禍蓋以此

孫蕡附傳四子潔絢繹純○按是時稱潔等兄弟有四懷之目見開國臣傳

列傳第一百七十四 文苑二

林鴻附傳父翰仕元抗節死○按翰仕元爲閩行省郎中後爲潮州路總管棄官走閩爲黃冠棲永泰山中十年太祖聞其賢詔有司強起之遂自刎死見獻徵錄

王紱附傳改庶吉士厯官太常寺卿○按景由庶吉士爲中書舍人累進太常寺卿遷本寺卿見御製書畫譜與此小異

沈度傳崑山夏昺者

至

時號大小中書○按昺洪武末

爲永寧丞謫戍雲南永樂初景入中書科習字上臨視稱善景因言及昺召對稱旨遂並命爲中書舍人見識大錄

程敏政傳以宮僚恩

刪此四字

擢少詹事○按敏政爲少詹時詔議從祀諸賢敏政請斥戴聖劉向賈逵馬融何休王肅王弼杜預八人及公伯寮秦冉顏何籧瑗林放荀況等而進鄭眾王通

胡瑗下廷臣議爲學士吳寬侍郎倪岳等所格嘉靖

時卒用其議見識大錄

才高負文學

刪才高二字

常俯視儕偶

刪常字

頗爲人所疾

刪頗字

因勒致仕

刪因字

五年起官

改六年召還

掌院事

下增八年以內艱歸服闋轉詹事十一字

○按明實錄敏政以弘治

六年召還仍供舊職八年以內艱歸服闋還京未至

轉詹事兼翰林院學士陞見遷禮部右侍郎此旣誤

六年爲五年且所載未詳

與李東陽主會試

刪李字

羅玘傳形容灰稿

稿改

臺諫救劉遜盡下獄○按是時遜知武岡以忤岷藩被逮給事中龐泮等救之並下詔獄見識大錄

臣請降敕密諭

至

而仕路亦清○按是時南京科道楊

廉洪遠等交章劾玘妄言亂政且言尙書屠蒲白昂必不可不去帝不問見明實錄

馳書守臣約討賊

改馳書巡撫王守仁約討賊

嘉靖初

下增贈禮部尙書五字

儲巘傳疏薦前直諫貶謫者

至

進士李文祥吉等○按

明實錄巘爾時薦直諫貶謫者尙有前進士謫臨西

縣縣丞敖毓元與吉等共五人此所載獨遺毓元

李夢陽傳及僞爲奏章事

章改草

○按是時吉安知府劉

喬嘗爲夢陽所挫辱乃求夢陽短及僞爲奏草事白萬實令奏之見識大錄

李夢陽附傳康海

至

授修撰○按海廷試時孝宗見海

策謂輔臣曰明興百五十年無此文體是可以復古矣遂寘第一見識大錄

王九思

至

尋調吏部至郎中○按正德四年四月孝宗

實錄成預纂修者當遷秩瑾惡翰林素不附己於是調侍講吳一鵬及九思等十六人於南北六部名曰擴充政事見明實錄

何景明傳錢謙益撰列朝詩力詆之

改其意蓋詆夢陽非篤論也

徐禎明附傳吳中自枝山輩

枝山改允明

邊貢傳貢早負才名○按貢工詩與何景明李夢陽等號十才子又與景明夢陽及徐禎卿王九思康海王廷相爲七才子見獻徵錄

都御史劾其縱酒廢職○按是時劾貢廢職者爲都御史汪鋐見明實錄

顧璘傳歷浙江左布政使

至

遷南京刑部尙書○按識

大錄稱璘於嘉靖十一年召拜右副都御史巡撫山西疏乞終養忤旨落憲職以布政使致仕十六年再起爲副都御史巡撫湖廣十八年拜刑部侍郎轉吏

部顯陵肇工晉工部尙書事竣遂遷南刑部尙書皆
與此小異

鄭善夫傳用薦起南京刑部郎中○按是時薦起善夫
者爲都御史周季鳳御史汪珊見識大錄

鄭善夫附傳官南京給事中○按雲霄由進士授靖江
知縣調青田遷南京工科給事中見獻徵錄

陸深傳二甲第一

刪此四字

○按太學題名碑深爲弘治十

八年二甲第八名進士是科二甲第一則崔銑也此

誤

劉瑾嫉翰林官亢己

下增正德四年四字

嘉靖十六年召爲太常卿

改旋召擢光祿卿進太常卿

○按明實錄

嘉靖十五年十一月深陞光祿寺卿十六年二月遷太常寺卿此誤

致仕卒諡文裕○按深以嘉靖二十三年七月卒賜諡時並贈禮部右侍郎見明實錄

王廷棟傳已而疏上

至

杖於廷○按廷棟是時與舒芬

汪應軫江暉曹嘉馬汝驥合疏劾江彬罪見明實錄
列傳第一百七十五 文苑三

文徵明傳巡撫俞諫欲遺之金○按諫一日過徵明廬門渠沮洳諫曰通此渠若於堪輿言定當第徵明曰公無念渠渠通當損旁民舍異日諫乃悔曰吾欲通文生渠奈何先言之吾終不能爲文生德也見獻徵

明列三十一
錄

文徵明附傳由國子生授南京翰林院孔目○按羽自弘治壬子應鄉試至嘉靖辛卯閱四十年凡十有四試不售乃以太學生赴選調天官卿素知其名曰此吾少日所聞蔡某今猶滯選調耶奏授孔目居三年歸卒於家見獻徵錄

女字卿子適趙宦光○按宦光字凡夫太倉人卜居寒山所著書數十種尤專精字學說文長箋其所獨擅也見吳縣志

王穀祥至左遷真定通判以歸○按書畫譜穀祥乞歸家居二十年隆慶初起南吏部不受書倣晉人不墜

右軍大令之風篆籀八體並臻妙品兼善繪事點染花卉意致獨到

黃佐傳與論河套事不合○按時曾銑議復河套言喜言邊功力主之見明史紀事本末

柯維騏傳褒貶去取義例嚴整改獨出己見自爲一書○按遼盛

於唐時去宋甚遠且後亦未嘗附宋自當另爲一書至宋之於金稱臣稱子遠不逮東晉之於魏乃拓跋旣已成書而於金史何疑焉是附遼金于宋義例已非傳中褒貶二語殊未允當

王慎中傳曾汴輩咸在部曹汴改○按進士題名錄曾

忭泰和人嘉靖五年進士此作汴誤

明倫彙編 家範典 第三十一
三
詔簡部郎爲翰林衆首擬愼中○按詔取才學之臣十
人以充史館愼中居首張孚敬使人語曰得一見館
職不足定也愼中不往乃黜用九人獨愼中不用見
獻徵錄

高叔嗣傳叔嗣少受知邑人李夢陽邑人改慶陽○按夢陽

慶陽人時寓居開封不得謂之邑人

陳束傳座主張璫霍韜至引嫌亦議改○按嘉靖初張

璫方得君好變易典制諸吉士皆少年負氣不能屈
往往抗視閣臣璫怒盡黜諸吉士見獻徵錄

陳束附傳嚴嵩惡經遂置之死○按經初劾嵩受賂嵩
心銜之二十二年經監山東鄉試嵩摘試錄中謂有

諷上語激帝怒逮至京廷杖死見明史紀事本末

皇甫湊附傳賈人女爲尙書文明妾至終興化同知○

按明雖斂容謝而心中銜之乃出令權稅荊州會大計考功郎與濂有忌謫河南理問稍遷興化同知歸數年卒見獻徵錄

茅坤傳檣善之悉以兵事委坤連破十七砦○按檣旣以兵事委坤乃簡部五千人團射角技遠徭以爲常賊玩而懈我兵爭願一戰遣善繪者圖其山川分所部兵爲七後先發約同日抵鬼子砦所過輒榜曰軍門進十萬兵討殺陽朔令者他砦敢動先移兵滅之諸蠻見旗幟徧山谷且怵于榜文皆不敢動於是連

明倫彙編 家範典 第三十一
破十七砦禽斬百五十人見獻徵錄

胡宗憲延之幕中○按嘉靖四十二年宗憲爲浙閩總督給事中陸鳳儀劾之逮詣京宗憲自殺坤上書訟其冤見明史紀事本末

李攀龍傳稍長爲諸生○按王慎中督學山東奇攀龍文擢冠諸生見獻徵錄

李攀龍附傳梁有譽○按有譽字公實南海人見獻徵錄

王世貞傳用爲青州兵備副使○按青州豪徐進道被訟罪不至死而進道恃其宗強黨衆陰謀勒兵反世貞聞之故緩其獄令捕盜自効進道謀漸解遂縛之

盡散其黨見獻徵錄

卒於家○按世貞卒贈太子少保見明實錄

明史攷證

攷證

卷三十一

三十一

三十一

三十一

三十一

三十一

三十一

三十一

三十一

三十一

三十一

三十一

三十一

明史攷證攢逸卷三十一

明史攷證攬逸卷三十二

長洲王頌蔚編集

列傳第一百七十六 文苑四

李維楨附傳山東稅監陳增貪橫

至

斥宗堯爲民○按

萬厯二十六年九月宗堯奏太監陳增罔上營私益
都有鉛砂無銀礦增強之入銀業非法矣且代納稍
緩逮及吏民陛下所得十一而增私橐十九巡撫尹
應元亦參增罪二十餘條忤旨奪俸下鎮撫司削籍
見明史紀事本末

王穉登傳命穉登爲之有警句○按靜志居詩話云伯
穀詩亦華整第嫌肉勝於骨至袁文榮所賞牡丹詩

色借相公袍上紫書生薄命原同妾等句媚竈之詞
近於卑田乞兒語矣

王穉登附傳王叔承字承父○按王叔承初名光允以
字行晚乃更字承父見靜志居詩話

焦竑附傳里人孫文豸以誦步天歌見捕○按文豸仁
錫戚也嘗作策論嘲時忠賢因誣文豸造妖言謗朝
政置重辟所指妖言則韓愈原道篇欽天監步天歌
也先是仁錫在講筵因王恭厥火災又見正人屠戮
忠賢竭土木不休講時不避忌諱忠賢復以不撰寧
國封敕遂命許顯仁擬文豸獄詞連仁錫等遂削籍
歸見明史紀事本末

董其昌傳始以宋米芾爲宗後自成一家○按其昌云
吾年十七學書師顏平原又學虞永興以爲唐書不
如晉魏又學鍾王凡三年自謂遍古文徵仲祝希喆
不復置眼角比游嘉興見項子京家藏真蹟又見官
奴帖於金陵方悟從前妄自標評自此漸有小得見
畫禪室隨筆

董其昌附傳字友石

改字仲詔

○按書畫譜米萬鍾字仲詔

關中人徙居京師性好石人謂無南宮之顛而有其
癖號爲友石先生友石其號而仲詔其字也此以號
爲字誤

張瑞圖者官至大學士○按瑞圖以天啟七年晉禮部

尚書東閣大學士崇禎元年三月致仕見宰輔年表
曹學佺傳劉廷元輩主瘋顛○按天啟二年御史馬逢
皋等劾廷元倡論保奸廷元乃降調見明史紀事本
末

乾隆四十一年賜諡諸臣曹學佺通諡忠節

列傳第一百七十七 忠義一

花雲附傳文遜者

刪者字

兩舉鄉第一

鄉下增試字

王愷傳太祖克衢州命總制軍民事○按陳友諒寇龍
江上命葛俊擣廣信以牽其師道過衢愷謂之曰廣
信僞漢門戶彼旣傾國入寇寧不以重兵爲守非大

將統全師以往不可若出偏師撓之設有挫衄吾衢
先驛騷矣乃止俊而請胡大海行大海至廣信果潰
如愷言見獻徵錄

追封當塗縣男○按愷沒後追封當塗縣男與享雞籠
山功臣廟及太祖登極復進封當塗縣子見獻徵錄
孫炎傳遺基書數千言基始就見○按基就見炎炎與
論古今成敗之事基深歎服之曰基自以爲勝公觀
公議論基何敢望公哉見獻徵錄

牟魯附傳王君諒

君改均

○按下文作均諒與明實錄同

黃里○按黃里本紀作黃理

蜀將丁世珍○按本紀作丁世貞

洪武五年其黨羅子仁率衆潛入城執名善不屈死○
按本紀四年八月高州海寇亂通判王名善死之此
作五年彼此互異

王禕傳太祖取婺州召見用爲中書省掾吏○按太祖
見禕語必稱子充而不名間與論文章稱善因命采
故實爲四言詩以教皇太子見獻徵錄

王禕附傳又有吳雲雲宜興人○按李東陽忠節錄序
作吳友雲與此異

熊鼎傳果異止勿動蛙果勿動

勿俱改弗

琴彭傳宣德元年黎利反率衆圍其城

改宣德元年賊黎利率衆圍其

城○按永樂十六年俄樂縣土官巡檢黎利反至宣

德元年蓋已七年矣此云宣德元年黎利反似至是始反者文義未協據安南傳改

王禎傳荆襄石和尚流劫至巫山○按成化元年四月荆襄盜劉千斤反湖廣提督白圭擊禽之二年六月其黨石和尚聚衆流劫四川圭復誘執之磔於市見明史紀事本末

周憲傳總督陳金檄憲勦之○按金檄憲等分兵三路進勦其二路失期不至憲獨深入被殺事在正德七年見明史紀事本末

吳景傳六年正月逼江津○按本紀五年十一月乙丑賊陷江津僉事吳景死之此言六年正月互異

賊麻六兒將逼川東○按正德六年正月江津賊曹甫自稱順天王巡撫林俊擊斬之甫餘黨方四麻六兒等復擁衆肆掠至九年總制彭澤等討平之見明史紀事本末

孫燧傳先是副使胡世寧暴宸濠逆謀

至

世寧得罪去

○按世寧奏宸濠罪狀下兵部移文寧府令鈐束其下濠奏世寧離間親親妖言誹謗賄營內旨逮之刑訊一年錢寧蕭敬等受重賂脅刑官必致之死大理少卿胡瓚曰濠謀賴世寧以發而置之極刑何以服天下乃戍藩陽衛見明史紀事本末

使人賂朝中幸臣去燧○按宸濠致書兵部尙書陸完

令急去燧燧上書自劾乞休不報見明史紀事本末

賊多持白挺

挺改挺

宋以方傳時華林大盜甫平○按正德六年華林賊陳福一攻破瑞州七年按察使王秩等討平之見明史紀事本末

列傳第一百七十八 忠義二

王鈇傳倭來薄數禦却之○按倭薄城北矢礮交下賊稍稍去鈇曰賊來未創也而去其懈我耳倍繕具待之詰朝賊果至鈇督兵間道出戰倭潰走見獻徵錄錢鏞傳鏞提狼兵戰九里山至鏞戰死○按賊攻城城守固乃移營蔡涇焚掠四野鏞從城上望之曰剪屠

烈矣奈何與此賊俱生耶乃騎而背城決戰狼兵驕
鎗數折之至是乘其薄賊先潰走鎗遂戰死見獻徵
錄

黃釧傳是年倭陷福清○按倭攻福清知縣葉宗文與
陳見等同被執死之見明史紀事本末

倭乘勝犯惠安○按是時倭犯福清巡撫阮鶚不能禦
取庫銀數萬賂之以新造大舟六俾載之而去見明
史紀事本末

張振德傳而崇明部將樊龍殺巡撫徐可求○按時以
邊事急徵四方兵崇明上疏請以兵三萬赴援遣其
將樊龍等以兵至重慶巡撫徐可求汰其老弱發餉

餉復弗繼龍等遂鼓衆刺殺可求及道臣孫好古等
見明史紀事本末

張振德附傳桐梓知縣洪維翰城陷奪印不屈死○按
維翰歛縣人崇禎十六年進士見題名錄

管良相傳水西有變禍必首及○按水西未叛良相語
李標曰奢氏反安必繼之黔中無兵餉猝然有變計
將安出宜招兵萬人積二年穀用許成名將之以觀
其變標以力不能止見明史紀事本末

何天衢傳及名聲死○按崇禎九年朱燮元奉命討名
聲伏誅見明史紀事本末

乾隆四十一年賜諡諸臣張瑤通諡忠節朱萬年張

奇功熊奮渭通謚烈愍姬文允孟承光吳世揚陳所
聞何天衢揚于陛通謚節愍

列傳第一百七十九 忠義三

張銓傳被執不屈

至

遂自經

改就執欲生之慰諭再四不可奪乃令自盡銓衣冠

向闕拜又遙拜父母就縊

○按太祖高皇帝實錄天命六年張銓

被執不降太祖命賜死以遂其志太宗惜銓欲生之
婉諭再四終不可奪不得已縊而葬之

崇禎四年流賊至○按是時賊趙四兒六千餘人入山
西卽點銓子也總督洪承疇等禽斬之見明史紀事
本末

誤從王佳允至此○按佳允以崇禎三年六月攻陷府

谷縣四年六月秦將曹文詔斬之陽城城下見明史紀事本末

高邦佐傳裁抑稅使高淮不敢大橫○按遼東稅監高淮恃寵恣橫吏民小拂意係累相屬於道二十六年激變錦州倉卒逃入關吏部侍郎楊時喬等力言遼東重困危在旦夕皆淮激變乃召還見明史紀事本末

高邦佐附傳同時顧頤以右參政分守遼海道○按頤博興人萬厯中進士見山東通志

黨還醇傳黨還醇黨改○按題名錄作党還醇此誤

張春傳春仍不食守者懇勸刪此八字○按太宗文皇帝實

錄載上賜以珍饌張春曰我死志已決不食上之所
賜我盡忠求死殺之以成我志上益有令名矣日後
上之諸臣必有爲上言春願死仍不食餓三日上復
賜食乃受而食之並無春仍不食守者懇勸二語此
誤

王肇坤附傳與遊擊治國器

治改

○按畿輔通志作治

國器萬姓通譜有治姓無治姓

破定興

改定興破

破安肅

改安肅破

孫士美附傳靈壽馮登鰲

鰲改鼇下同

固城王九鼎

固改故

○按明一統志河間府有故城無固

城

承宗未詳何許人○按黃承宗威海衛人城破與子朝鎡力戰中流矢死妻劉氏自縊死見山東通志

九鼎亦未詳何許人○按王九鼎潛山人見江南通志
張秉文附傳虞孕未詳○按陳虞孕雲南昆明籍上元人見江南通志

有劉大年者○按劉大年崇禎十年進士見題名錄
吉孔嘉附傳河間襄陽知縣賈太初永年山東副使申爲憲皆抗節死○按賈太初崇禎十年進士申爲憲天啟二年進士俱見題名錄

張振秀附傳弘緒歷車駕郎中○按劉弘緒崇禎七年

進士見題名錄

張焜芳傳又糾太僕少卿史莖○按崇禎十一年焜芳糾莖疏曰舊例鹽引每重四百三十斤秤掣之時包中偶重一二斤必割沒入官所以杜私帶也莖垂涎割沒坐定斤數每引割沒不下二百斤而私鹽任其夾帶奸商遂恣意夾帶每包必致人力不能扛擡多有聚眾就地推輦者有是理乎見山書

乾隆四十一年賜諡諸臣王肇坤王一桂李禎宁喬若雯宋學朱顏紹孕吳良能通諡忠烈張秉文吉孔嘉鄧藩錫張焜芳通諡忠節鄭國昌陳輔堯張鳳奇党還醇楊嫌孫士美劉廷訓鄧謙趙珽陳三接高維

岱李其紀文昌時陳興言王維新丁文明樊吉人賀
秉鉞通謚烈愍竇永澄江萬春董爾礪徐國全顧頤
崔儒秀段展程應琦盧成功焦延慶張國翰廖汝欽
任光裕李獻明王元雅何天球徐澤武起潛張春閻
生斗蔣秉采于世奇趙悅王禹佐咸貞吉上官蓋治
國器蘇時雨趙國鼎鄭延任白慧元黃承宗馮登鰲
王鑰王采崔賢陳誌王九鼎張文煥錢珍陳緘李崇
德魏克家周之訓翁鴻業唐世熊苟好善陳虞孕熊
列獻韓承宣陸燦劉大年宋希堯張列宿黃建極李
承芳高重光姚汝明周而漳趙輝丁師義李時芄孟
魯鉢張鳳鳴王端冕唐鉉李鶴舉杜斗愚賈太初申

爲憲傅梅邢國璽馮守禮張子卿朱迴添任萬民李
耿吳汝宗周啟元劉光先劉士璟張振秀劉源清邢
泰吉尹任楚煙劉弘緒譚絲曾文蔚閻鼎李昌期郝
芳聲俞起蛟通謚節愍

明史攷證攬逸卷三十三

長洲王頌蔚編集

列傳第一百八十 忠義四

張允登傳督餉至甘泉至允登力禦不敵死○按是時

流賊上天猴劫宜川令馬自然以求撫楊鶴受之處
其部二千人於鄜州降卒白柳溪遂勾賊爲亂混天
猴向隸允登甘泉之變亦與焉見綏寇紀畧

張光奎傳流賊躡山西○按是時賊以七月破大寧八
月破隰州再破石樓壽陽見明史紀事本末

與兄守備光璽千總劉自安等至城陷並死之

呈章友程及舉人趙一亨侯標並死之○按劉自安趙

一亨侯標俱賜祀忠義祠

李中正傳執舉人靳謙書使跪不屈大罵而死

其宜陽馬足輕至則先後以布衣抗節顯○按靳謙書

馬足輕許輝劉君培李登英裴君合張我正張我德

孫挺生傳世濟李佩玉劉時寵俱賜祀忠義祠

方國儒附傳保康小邑至城遂陷○按時山西河北諸

賊以六年十一月渡河十二月破鄆西上津明年正

月遂由房縣破保康見綏寇紀略

訓導王紹正死之至罵不絕口死○按王紹正常存畏

俱賜祀忠義祠

何承光附傳訓導高錫及妻女至通江巡檢郭續化陣

沒○按高錫陳國俊郭纘化俱賜祀忠義祠

龐瑜傳賊至梓令跪至剖心裂屍而去○按是年閏八

月賊圍靜寧州旋破隆德縣固原道陸夢龍來援兵
敗死之賊衆五十餘萬於是崇信與靈臺白水涇州
後先皆陷見綏寇紀略

龐瑜附傳及父嗣成弟三元俱死之

子士樞士模皆死教諭李之蔚鄉官魏炳亦不屈死○
按董嗣成董三元吉士樞吉士模李之蔚魏炳俱賜
祀忠義祠

婁琇知涇州閏八月城陷死○按一統志婁琇湘陰人
天啟舉人崇禎中知涇州

有宋緒湯者

至

大罵死○按宋緒湯賜祀忠義祠

尹夢鼇傳八年正月方謁上官於鳳陽

至

賊已抵城下

○按是時汝寧賊以正月七日攻潁州其支賊以初八日由固始夜薄霍止三日而霍止潰遂焚壽州之正陽鎮十一日破潁州屠之見明史紀事本末

廷傳者

至

令繕牘上當事旋卒○按劉廷傳劉廷石俱

賜祀忠義祠

尹夢鼇附傳鄉官尙書張鶴鳴弟副使鶴勝

至

皆死之

勝改騰

○按鶴鳴被害時年八十五賊倒懸射之鶴鳴

嚼齒大罵有賊刺刃者三曰若復能坐而鞭吾背耶人始知其撫黔時有宿憾見明史紀事本末又按張

大同丁嘉遇郭三杰韓光祖皆賜祀忠義祠又是時
舉人白精忠與郭三杰同遇害見江南通志亦賜祀
忠義祠

次子定策孫日曦罵賊死

千戶孫升至俱乘城戰死

陳弘祖至餘皆陣沒

元亨乃極口大罵賊怒斷脛死

同死者千戶陳永齡百戶盛可學等四十一人

舉人蔣思宸聞變投繯死○按韓定策韓日曦孫升田
三震羅元慶田得民王之麟陳弘祖陳其忠金龍化
萬元亨盛可學蔣思宸俱賜祀忠義祠

盧謙傳舉人張受畢尹周亦不屈被殺○按張受畢尹周俱賜祀忠義祠

盧謙附傳賊陷霍止○按霍止之陷在鳳陽未陷之先迨鳳陽破自成偕高迎祥西趨歸德復入陝西獻忠獨東圍廬州知州吳大樸固守不克攻巢縣破之攻舒城知縣章可試開西門塹其溝誘賊入殺千人賊遂退抵廬江陷之巢縣太湖皆被屠見綏寇紀略

縣丞張有俊

至

舉人王毓貞死焉

訓導扈永寧亦死之○按張有俊倪可大何炳田旣庭王毓貞扈永寧俱賜祀忠義祠

龔元祥附傳子炳衡號呼罵賊賊又殺之

至

允恭卒死

之○按龔炳衡姚允恭俱賜祀忠義祠

史記言傳老獬獬憤

至

城遂陷○

按是月朔秦賊李自

成等悉衆薄閬鄉左良玉禦之靈寶東祖寬禦之靈寶西不能支越四日陝州遂陷見明史紀事本末

史記言附傳訓導王誠心

至

亦不屈死○按王誠心及

張敏行姚良弼陳三元俱賜祀忠義祠

是月賊陷盧氏

改是年十月賊陷盧氏

○按綏寇紀略是時陷盧

氏者爲豫賊埽地王等其事在是年十月二十八日梁志仁附傳思仁等亦不屈死○按單思仁吳鳳來盧大受俱賜祀忠義祠

王國訓傳建忠等亦不屈死○按夏建忠陳紹南張弘

綱陳縹俱賜祀忠義祠

王國訓附傳與教諭譚恩驛丞羅文魁協力守城城陷皆死之○按譚恩羅文魁俱賜祀忠義祠

有孫仲嗣者至並死之○按孫仲嗣賜祀忠義祠

黎弘業傳崇禎八年流賊犯和州○按是時高迎祥李自成攻廬州知府吳大樸合肥令熊文舉堅守不克自成遂進陷含山犯和州見明史紀事本末

判官錢大用至偕妻汪子婦章赴水死

訓導趙世選不屈死○按錢大用景一高康正諫趙世選俱賜祀忠義祠

黎弘業附傳論平邦彥功

平下增安字

流賊至

刪流字

守者皆潰賊遂入城○按是時操江臨淮侯李弘濟遣其將薛有年援和以遲發賊已破和而北有年中道失勢遂敗見綏寇紀略

兄鹽運司判官如虯諸生如虹及家屬十四人皆死○按馬如虯高如虹俱賜祀忠義祠

張紹登傳知應城縣九年賊來犯○按是年十一月張獻忠老獍等賊二十餘萬從均州新野等處分道入襄陽總兵秦翼明不能禦賊由漢江之羅溪灘填土渡江遂以十二月破應城於是雲夢孝感黃陂皆陷全楚震動見明史紀事本末

張紹登附傳投國勛於烈燄中○按張國勛賜祀忠義祠

王燾傳天大風雪至入署整冠帶自經○按是時副總兵楊世恩之兵潰於棗陽隨州繼陷遂責世恩戴罪自贖見綏寇紀略

蔣佳徵傳設伏要害至力戰死○按是年七月皖賊襲破六合圍天長逼揚州楊大賈捐私財構竈丁及新舊官軍爲四營賊分掠瓜儀至僧道橋去揚僅一舍知有備乃北由岔澗破盱眙見綏寇紀略

徐尙卿傳崇禎十年十月李自成惠登相等以數十萬衆入四川○按是時自成等以十月三日破寧羌州

分其軍爲三一攻七盤一入廣元一向白水侯良柱
旣敗歿賊遂入關於廣元烏龍山下結十七營分兵
守二郎關乃從淺灘過河破昭化見明史紀事本末
吏目李英俊從之
主簿張應奇死之

典史潘孟科死之○按李英俊張應奇潘孟科俱賜祀
忠義祠

阮之鈿傳十一年正月至居民洶洶欲竄○按獻忠就
撫後文燦命簡精卒二萬給餉餘散遣之獻忠請十
萬人餉文燦爲請銜予賞給以六月餉獻忠具軍狀
備調遣旣命推官程九萬調其兵檄之者三不應見

綏寇紀略

賊衆漸出野外行劫○按穀城有河爲漢沔所匯獻忠立關梁月徵其稅陳洪範軍士獲義武營關防於草中請卽以給獻忠兵科給事中張縉彥持不可於是獻忠益驕見明史紀事本末

至五月獻忠果反○按是時陳洪範所遣將馬廷寶徐起祚助防穀城者獻忠皆挾之去見綏寇紀略

郝景春傳羅汝才率九營之衆○按所謂九營者汝才與一丈青小秦王一條龍爲鄖縣四營惠登相與王國寧常國安楊友賢王光恩爲均州五營見明史紀事本末

分諸營於竹谿保康上津而自與貴雲祥居房縣之野
○按汝才之降也文燦檄之從軍汝才言不願爲官
無所事餉請受山田以耕鄖撫戴東旻疏曰羅汝才
詭占屯部帶刀以耘張獻忠飽食休甲據邑弄兵請
敕理臣率鄖郢之卒督臣掃關隴之兵乘其不意一
舉勦除不報見綏寇紀畧

郝景春附傳殺一典史一守備恐之卒不屈與鳴鑾俱
被殺

邦聞及其家人並不屈死○按朱邦聞郝鳴鑾典史某
守備某俱賜祀忠義祠

張克儉傳守備曹鳴鶚戰死○按是年二月左良玉挫

明史紀事本末
於武安賊以三四萬從趙寨而東都司蔡如薰禦之
急呼河鳴鶚與中軍馬擢策應至郃原關遇賊鳴鶚
勝之翼日復力戰賊益多火藥盡擢觀望不前俱死
之見明史紀事本末

小秦王混世王過天星等皆降○按小秦王混世王之
降在十三年七月至九月賊魁過天星及整十萬王
光恩相繼降見綏寇紀略

獻忠令人假督府軍符誑入襄陽城○按是年正月獻
忠敗官軍於開縣席卷出川西焚驛置楚蜀消息中
斷賊長驅至當陽袁繼成方謀出軍獻忠令汝才與
相持而自以輕騎一日馳三百里道殺督師使者取

軍符以二十八騎持符襲入見明史紀事本末

張克儉附傳他將搜山又獲其軍師潘獨鰲○按潘獨鰲爲秦將鄭嘉棟大坪溪搜山所得見綏寇紀略

徐世瀾附傳呼州人告以蕤印處乃死○按徐肇梁賜祀忠義祠

乾隆四十一年賜諡諸臣史記言王信郝景春通諡忠烈尹夢鰲黎弘業馬如蛟阮之鈿張克儉通諡忠節張允登吳開先李呈章徐明揚李中正方國儒劉定國高日臨王永年郭震辰田實龐瑜吉永祚婁琇蒲來舉張鶴騰朱國相袁瑞徵呂承蔭郭希聖張鵬翼周時望李郁岳光祚陳永齡盧謙嚴覺金應元龔

元祥李君賜楊道泰阮我疆白楹梁志仁楊呈秀張
紹登王城魏時光蔣佳徵吳暢春王寅陳正亨楊道
選曹鳴鶚鄺曰廣黎民安徐世漳通諡烈愍郭永固
郭景嵩張光奎張光璽楊于楷張友程樂濟衆何承
光董三謨呂鳴世趙士寬田之穎劉道遠李生白李
從師王廷俊戴廷對李邁林王國訓薄匡宇趙躋昌
胡爾純萬代芳饒可久王燾徐尙卿王時化李大覺
余塙通諡節愍

列傳第一百八十一 忠義五

武大烈傳舉天啟七年鄉試

改天啟七年舉人

授永寧知縣

授下增河南二字

○按地理志永寧有二一屬河

南河南府一屬江西吉安府此所載未晰以下文自
南陽陷宜陽考之其地皆與河南之永寧接壤則大
烈當是河南永寧知縣

知縣唐啟泰被害

改戕知縣
唐啟泰

讚及子國學生祚延死之至並不屈死○按張祚延魏
國輔任維清孫世英俱賜祀忠義祠

武大烈附傳舉人馬體健死之

鄉官來秉衡

至

抗節死○按馬體健來秉衡郭顯星荀

良翰俱賜祀忠義祠

盛以恆傳崇禎十三年舉人知商城縣視事月餘

改崇禎十

三年由舉人知
商城縣甫月餘

○按選舉志崇禎十三年非舉鄉試

明史紀事本末卷之三十三 九
之期且下文稱張獻忠陷襄陽卽十四年事明制亦無舉人本年卽爲縣令者考河南通志稱以恆於十三年任商城亦未詳爲何年舉人此所載誤

二月中賊奄至○按獻忠陷襄陽居兩日卽破樊城返而破當陽郟縣招汝才兵東下入光州汝寧以南商城及羅山息縣信陽固始殘破殆盡見明史紀事本末

孫覺及典史呂維顯教諭曹維正皆死○按孫覺呂維顯曹維正俱賜祀忠義祠

未謁選歸遇變罵賊死○按段增輝賜祀忠義祠

賊旣陷南城

商南改

盛以恆附傳知州高孝誌

至

亦死之○按李逢旭程所

聞魏光遠俱賜祀忠義祠

顏日愉傳日愉擊殺之幾盡餘賊引去○按是時左良
玉次南陽躡賊於西山賊敗走獻忠汝才合兵來攻
日愉與指揮王汝章禦卻之見綏寇紀略

顏日愉附傳主簿門迎恩訓導楊氣開亦死之

舉人劉恩澤初嘗以策干當事○按門迎恩楊氣開劉
恩澤俱賜祀忠義祠

潘弘傳子澄瀾痛憤大哭投井死○按潘澄瀾賜祀忠
義祠

潘弘附傳鄧州知州劉振世吏目李國璽

至

皆抗節死

典史雷晉暹率捕卒戰死又有武職王衍范錢繼功海
成俱死○按李國璽余承廕李錫丁一統張五美王
鍾王子章海寬傅彥雷晉暹王衍范錢繼功海成俱
賜祀忠義祠

陳豫抱傳母先赴井三子從之至俱從之

案從母常先投井死宣宮皆詈賊被殺

張毓粹率二子佐有司固守城陷大罵俱被殺
同芳噴血大罵支解而死

劉芳名至皆抗節死

一鷺一鵬父亦罵賊死

唐縣許曰琮至遂嘔血而死○按陳豫抱豫養豫懷陳

默通默恆默言許宣及弟案宮張毓粹武同芳劉芳
名劉芳世蘭之粹喬于昆蘭完韻王光顯喬國屏王
邦紀蘭相裔張一鷺一鵬及父某牛一元許曰琮俱
賜祀忠義祠

頌蔚按武氏億授堂文鈔與萇喬菴書云攷證內有
編修方煒簽出張毓粹武同芳劉芳世蘭之粹喬于
昆蘭完韻王光顯喬國屏王邦紀蘭相裔張一鷺一
鵬及父某牛一元俱賜祀忠義祠此十四君實爲吾
鄉節烈之雄附載明史陳豫抱傳昔嘗按其傳文旣
言張毓粹率二子佐有司固守城陷大罵俱被殺蓋
亦未審知毓粹二子卽一鷺一鵬故於後文又書張

一鷺張一鵬皆抗節死又云一鷺一鵬父亦罵賊死
一傳之中反覆重沓不可推次今竊記者復緣以致
誤亦云張一鷺一鵬及父某則竟同於缺名之例益
不得其實矣

劉振之傳都司張守正至皆死○按魏完眞李文鵬王
應鵬俱賜祀忠義祠

自許以南無堅城○按是時許以南諸邑如涪川長葛
陳留禹州皆與鄢陵先後相繼陷見綏寇紀略

劉振之附傳殉難者有費曾謀○按綏寇紀略作費令
謀與此異

其小吏則臨潁千總賈廕序至皆死之○按賈廕序杜

復春孟良屏張範孔張治載馬德茂俱賜祀忠義祠
李乘雲附傳姪敦華亦遇害○按余敦華賜祀忠義祠
關永傑傳陳故賊衝歲被蹂躪○按是時自成再圍開
封爲陳永福等禦郤遂移兵攻陳州城破之日賊怒
而屠之少長無或免者睢州太康寧陵考城商水西
華遇賊輒潰見明史紀事本末

關永傑附傳受爵亦擊殺數賊大罵並死之

作梅跪柩前焚死○按王受爵龔作梅俱賜祀忠義祠
張維世附傳族諸生不顯亦死之至父子挺身罵賊死

不顯改丕顯父
子改與子德易

○按姚丕顯姚成趙良棟俱賜祀忠
義祠又按河南通志若時殉節時從子丕顯及丕烈

丕振麟徵等並死之丕烈丕振麟徵亦賜祀忠義祠
又良棟子名德易亦賜祀忠義祠見河南通志

賊召前項城教諭王多福欲官之○按王多福賜祀忠
義祠

王世琇傳商止知縣梁以樟○按以樟故鄖撫夢澤子
也歸德以無藩封不置兵賊至以樟因偕世琇等集
鄉勇爲守禦見綏寇紀略

王世琇附傳世英持刀罵賊死於明倫堂

及舉人徐作霖至一百十餘人○按夏世英徐作霖吳

伯允周士美沈泌侯駿侯恆沈誠周士貴侯惇沈倜
吳伯裔張渭劉伯愚俱賜祀忠義祠

許永禧附傳是年冬汝寧陷○按是年七月孫傳庭兵至南陽爲自成汝才所敗復陷南陽屠之閏十一月遂進圖汝寧陷之見綏寇紀略

李貞佐傳明年二月自成復來寇○按是時自成分兵爲四老猗猗守承天羅汝才守襄陽革裏眼往黃州而自將其一以攻郟見明史紀事本末

鄉人傾邑祭奠

鄉人敗土民

李貞佐附傳子國誘賊發金墟墓間

舉人李得筍

至

賊覺被殺

南陽張鳳翔

至

並罵賊死○按顧國李得筍張鳳翔王

明物張民表夏云醇余容善王者瑄胡植王翼明俱

賜祀忠義祠

魯世任附傳訓導張信罵賊不屈死典史趙鳳豸拒賊死○按張信趙鳳豸俱賜祀忠義祠

獨洪起嘗官副總兵頗恭順○按沈萬登亦嘗授副總兵於十四年十月誅僞將軍馬尙志并諸僞官復汝寧見明史紀事本末

劉禪附傳土寇爲亂○按是時登封李際遇申靖邦等據山爲亂見河南通志所謂土寇者指此

開封之陷

至

或陷城自盡

汝寧之陷

至

皆死之○按徐陞閻生白張道脉劉懋勳

楊紹祖袁永基袁世蔭葉榮蔭張承德李衍壽閻忠

國林景暘趙得庚楊道臨趙重明費明棟楊應禎李士諤俱賜祀忠義祠

何燮附傳巡檢吳姓者鬪死○按吳某賜祀忠義祠

趙興基傳知縣李孕嘉至並不屈死○按沈所安賜祀忠義祠

之垣如衡及履祥登貴並縋城走○按流賊傳廬州陷知府鄭履祥死之明史紀事本末綏寇紀略所載皆同均與此異但下文稱履祥委失城之罪於興基史可法因察治履祥罪則履祥爾時實遁免流賊傳似誤

趙興基附傳元綬力鬪死

知縣楊春芳

至

並死焉

○按鄭元綬陳知訓沈鴻起婁

懋履俱賜祀忠義祠

知府吳太樸堅守不下

太改大

乃治守令罪

守令改兩人

曾遊擊縱所部淫掠

遊擊改延訓

悍卒殺守恆○按是時延訓降賊教以衝柵穴城城陷

賊剗守恆腹以矛數十創而死見綏寇紀略此云悍

卒殺守恆互異

乾隆四十一年賜諡諸臣武大烈馬剛中顏日愉潘

弘劉振之魏令望李乘雲關永傑陳顯元通諡忠烈

艾毓初張維世魯世任通諡忠節徐日泰朱由械朱

敏訂盛以恆洪允衡高孝誌邱懋素鍾其碩王士昌
杜邦舉柴薦禪劉孔暉余爵任棟侯君擢崔泌之姚
若時梁可棟楊士英徐一源許永禧劉英顧王家周
卜麻朱崇祖何燮胡淵趙興基高在崙李孕嘉趙之
璞程楷通諡烈愍唐啟泰張讚王正己魏持衡劉芳
奕常克念韓金聲王明楊萃錢祚徵張映宿姚運熙
劉振世龔新韓醇姚昌祚孫澤盛薛應齡王應翼張
守正費曾謀楊一鵬王化行姚文衡張鷹揚萬大成
張質杜時髦阮泰楊汝經王世琇顏則孔沈試朱國
慶侯忻沈仔張儒紀懋勛孔亮高斗垣官篆邵可灼
陳心學張人龍楊呈芳孔貞璞曹思正劉伯驂周騰

蛟劉禪蘇茂均彭士奇亢孟檜王蔭長白守文朱挺
張我翼陳公邱茂表左相申唐良銳楊春芳通諡節
愍

列傳第一百八十二 忠義六

夏統春附傳其以小吏死難有何宗孔至陷伏中大罵

死○按何宗孔賈儒秀張達朱耀俱賜祀忠義祠

陳美傳李自成長驅犯襄陽左良玉先奔○按左良玉
自朱仙鎮南潰退屯襄陽大治戰艦於樊城自成至
良玉營於高阜賊趨白馬渡良玉移營扼之江水纔
及馬腹賊死數千渡如故良玉遂拔營南行見綏寇

紀略

陳美附傳訓導陽城田世福亦死之

均州知州胡承熙被執不屈與其子爾英俱死○按田

世福胡爾英俱賜祀忠義祠

謚吉臣附傳應城陷訓導張國勳死之

啟觀曰汝旣知文至賊怒殺之

諸生廖應元至爲旺所殺○按張國勳袁啟觀廖應元

劉申錫俱賜祀忠義祠

盧學古傳郊芳之奇亦不屈死○按張郊芳程之奇俱

賜祀忠義祠

盧學古附傳士完被執至遂自經

太翮太息曰吾子孫陣亡已盡吾何用生爲赴水死太息

改歎生下
刪爲字

○按朱士完彭大翮俱賜祀忠義祠

巡撫陳睿謨急渡江

巡撫上增
偏沅二字

訓導撤君錫

至詬罵而死

維藩令妻女赴井死遂見殺諸生王圖南被執抗罵死

調元獨率部卒格鬪

至

大罵死亂刀下○按撤君錫王

維藩王圖南呂調元俱賜祀忠義祠

陳萬策傳夜自經

開先瞋目大罵頭觸牆死○按陳萬策李開先俱賜祀

忠義祠

許文岐傳賊魁賀一龍蘭養成等萃蘄黃間○按賀一

龍卽革裏眼蘭養成卽左金王與馬守應賀錦劉希

堯合卽所稱革左五營也後歸自成於開封見明史紀事本末

明年大舉兵來攻○按是年正月獻忠破廣濟卽犯蘄州會富顯文終不協而鎮筸兵復內間應賊遂陷見綏寇紀略

賊旣陷蘄州遂屠其民○按賊陷蘄州卽於三月破蘄水入黃州黃人盡逃旋犯麻城麻城人湯志者大姓奴也殺諸生六十人而推其中與已合者曰周文江以城降賊賊改麻城爲州以文江知州事見綏寇紀略

許文岐附傳其時屬吏死節者惟麻城教諭定遠蕭頌

聖蘄水訓導施州童天申○按蕭頌聖童天申俱賜
祀忠義祠

崔文榮傳賊出營樊口至以他將代守○按文榮斂兵
入城時賊大營尙在江北會楚府募兵官張其在因
罪被笞往投之盡以軍情輸賊而黃州降賊生員李
時榮之族居省城約內應於是賊由鴨蛋洲畢渡見
綏寇紀略

徐學顏傳新軍內叛城陷○按武昌旣陷獻忠執楚王
華奎籠而沈諸江盡殺楚宗室見明史紀事本末

徐學顏附傳武昌知縣鄒逢吉被害

此句刪去

○按是時鄒

逢吉以行取入京甲申之變爲賊拷死福王時傳聞

失實贈太僕寺丞見金鉉傳末是逢吉不惟未與武昌之難而其死亦屬失節此所載誤

同死者武昌衛經歷汪文熙巡檢戴良瑄及僧官一人俱罵賊不屈腰斬○按汪文熙戴良瑄及僧官某俱賜祀忠義祠

賊既陷武昌

下增據之盡殺楚宗室七字

馮雲路傳賊遣使來聘至從游諸生汪延陞亦死焉○

按馮雲路汪延陞俱賜祀忠義祠

馮雲路附傳其同邑熊霈

至

時黃陂諸生傅可知亦以

叱賊死○按熊霈明睿易道遲易爲瑚爲璉傅可知俱賜祀忠義祠

蔡道憲傳賊果以八月陷岳州○按獻忠陷武昌後總兵方國安副將徐懋德等破賊於蘄州委官吏多被禽殺武昌生員程天一白雲寨長易道三皆起兵討賊與官兵復黃州獻忠乃令僞總兵張其在等守武昌而躬率大營西渡以窺岳州於是左營諸將毛顯文常國安等與蘄黃四十八寨民兵攻復武昌漢陽獻忠已陷咸寧蒲圻偏岳州矣見綏寇紀略

國俊曰至遂自刎○按林國俊賜祀忠義祠

道憲死時年二十九○按蔡道憲死事曾蒙御製詩表章刻石墓祠旌忠曠典洵依古所未聞也

後亦死

改禦賊陣沒

○按二南還長沙時督兵禦賊於瀏陽

之官渡沒於陣贈太僕寺卿見湖南通志

邑中舉人馮一第

邑下刪中字

一第歸就縛

至

置營中一夕死

賊陷東安

至

諸生謝如珂拒戰死○按馮一第唐德明

謝如珂俱賜祀忠義祠

張鵬翼附傳二子若鼎若鉅號勦

至

分宜彭允中皆盡

節○按莫若鼎莫若鉅彭允中俱賜祀忠義祠

乾德守岳州

至

岳州遂陷○按賊之犯岳州也乾德與

總兵孔希貴等率兵守東陵磯誘殺其先鋒連戰皆捷賊百道仰攻不能支乾德走希貴退屯湘陰已而亦走岳州遂陷見明史紀事本末

會劉文秀自雲南至禽韜陷嘉定○按是時孫可望遣
劉文秀張先璧由永寧取敘州白文選由遵義取重
慶會於嘉定謀犯成都其事在順治九年見明史紀
事本末

劉熙祚傳二王至永州

二改三下熙祚乃遣部將護二王至廣西同

○按桂

王及吉惠二王本傳是時三王同奔永州入粵西

王孫蘭傳遷廣東副使

至

馳勦三戰皆捷○按連州屬

廣州府與南雄韶州無涉考廣東通志是時分巡南

韶副使兼轄廣州之連州清遠駐韶州此所載未晰

黃世清傳自成敗

至

從南陽犯商州○按潼關既陷自

成連破華陰渭南華州遂攻陷商州屠之見綏寇紀

略

楊暄傳賊遂陷西安○按賊之攻西安也守將王根子射書城下開東門納賊城遂陷見明史紀事本末

教授許嗣復至詈賊死

其城亦死之

縣丞沁源姚啟崇亦死焉

與學官魏歲史劉進並被難○按許嗣復蔡其城姚啟崇魏歲史劉進俱賜祀忠義祠

簡仁瑞附傳平涼既陷屬城悉降○按平涼陷賊遂移兵取蘭州又遣賊將辛思忠破西寧衛於是肅州山丹永昌鎮番莊浪皆降而秦地悉沒矣見綏寇紀略

華亭教諭鄒姓者

至

與教諭皆殉難○按鄒某何相劉

俱賜祀忠義祠

都任附傳材官李耀善射

至

自縊死

文經國

諸生則陳義昌

至

自經死○按李耀李光裕張天敘黃

廷用廷弼賀世魁文經國陳義昌沈濬沈演白拱極

白含章張連元連捷李可柱胡一奎李蔭祥俱賜祀

忠義祠

祝萬齡附傳舉人宗室朱誼果

至

並抗節死○按朱誼

果席增光俱賜祀忠義祠

丁泰運附傳及其子師易皆死之○按王師易賜祀忠

義祠

乾隆四十一年賜諡諸臣陳美郭裕馬廳許文岐李
新崔文榮蔡道憲劉熙祚黃世清段復興都任陳璜
周鳳岐丁泰運通諡忠烈李乾德張鳳翮祝萬齡王
徵宋師襄通諡忠節夏統春薛聞禮郝瑞日徐日耀
湛吉臣濮有容盧學古郭以重岳璧郭金城徐學顏
王良鑑曾栻歐陽顯宇林不息蔣道亨楊暄朱一統
朱迴澆靳聖居司五教劉光佑黃廷政馬鳴節楊明
張發王永祚李應孝傅德潘國臣李國奇晏維新陳
二典劉芳馨文侯國郭遇吉楊正韓柳永年馬應舉
尤勉惠漸賀大雷楊以偉李文焜李文燦常懷李登

龍孫貴尤養鯤白慎衡李宗敘朱慎鏤王榮通謚烈
愍蔡思繩宋大勛萬敬宗韓應龍周建中胡承熙劉
璇萬惟壇張允修李友蘭李雲李毓英周二南張鵬
翼楊開賴萬耀莫可及董我前李升德劉永祚王孫
蘭程道壽趙躋昌唐時明薛應玠唐夢鯤袁繼登董
琬朱新鐸簡仁瑞王家錄張雲鶚彭卿柳芳趙彬崔
重觀傅佑竇光儀徐方敬徐芳聲王徵俊宋之雋史
可觀尙大倫王樞徵通謚節愍

明史攷證擴逸卷三十三